

程

儀禮篇目

士冠禮第一

士昏禮第二

士相見禮第三

鄉飲酒禮第四

鄉射禮第五

燕禮第六

大射儀第七

聘禮第八

公食大夫禮第九



親禮第十

喪服第十一

士喪禮第十二

既夕禮第十三

士虞禮第十四

特牲饋食禮第十五

少牢饋食禮第十六

有司徹第十七

禮目終

儀禮卷第一

士冠禮第一

士冠禮筮于廟門主人玄冠朝服緇帶素鞶即位于門東西面有司如主人服即位于西方東面北立筮與席所卦者具饌于西塾布席于門中闌西闕外西面筮人執筭抽上韝兼執之進受命於主人宰自右少退贊命筮人訖諾右還即席坐西面卦者在左卒筮書卦執以示主人主人受眡反之筮人還東面旅占卒進告吉若不吉則筮遠日如初儀徹筮席宗人告事畢主人戒賓賓禮辭許主人再拜賓各拜主人

退賓拜送前期三日筮賓如求日之儀乃宿賓賓如  
主人服出門左西面再拜主人東面答拜乃宿賓賓  
許主人再拜復答拜主人退賓拜送宿贊冠者一人  
亦如之厥明夕爲期于廟門之外主人立于門東兄  
弟在其南少退西面北上有司皆如宿服立于西方  
東面北上擯者請期宰告曰齊明行事言兄弟及有  
司告事畢擯者告期于賓之家夙盥設洗直于東祭  
南北以堂深水在洗東陳服于房中西墻下東領北  
上對之陳服衣縮帶鞋韠及弁服素積縮帶素  
縮布冠缺項

青組纓屬于缺縮纒廣然幅長六尺皮弁筭爵弁筭  
縮組紘纒邊同篋櫛實于篋蒲筵二在南側尊一甒  
醴在服北有篋實勺解角枳脯醢南上爵弁皮弁縮  
布冠各一篋執以待于西北南南面東上賓弁則東  
面主人玄端爵韞立于阼階下直東序西面兄弟畢  
袷玄立于洗東西面北上擯者玄端負東懸將冠者  
采衣紵在房中南面賓如主人服贊者玄端從之立  
于外門之外擯者告主人迎出門左西面再拜賓答  
拜主人揖贊者與賓揖先入每曲揖至于廟門揖入  
三揖至于階三讓主人升立于序端西面賓西序東

面贊者盥于洗西升立于房中西面南上主人之贊者筵于東序少北西面將冠者出房南面贊者奠纒笄櫛于筵南端賓揖將冠者將冠者即筵坐贊者坐櫛設纒賓降主人降賓辭主人對賓盥卒壹揖宣讓升主人升復初位賓筵前坐正纒與降西階一等執冠者升一等東面授賓賓右手執項左手執前進容乃祝坐如初乃冠與復位贊者卒冠者與賓揖之適房服玄端爵韞出房南面賓揖之即筵坐櫛設笄賓盥正纒如初降二等受皮弁右執項左執前進祝加之如初復位贊者卒紘與賓揖之適房服素積素韞

容出房南面賓降二等受爵弁加之服纁裳鞅鞿其他如加皮弁之儀徹皮弁冠櫛筵入于房筵于戶西南面贊者洗于房中側酌醴加柶覆之面棄賓揖冠者就筵筵西南面賓受醴于戶東加柶面枋筵前北面冠者筵西拜受解賓東面答拜薦脯醢冠者即筵坐左執纒右祭脯醢以柶祭醴三興筵末坐啐醴建柶興降筵坐奠解拜執解與賓答拜冠者奠解于薦東降筵北面坐取脯降自西階適東壁北面見于毋母拜受子拜送母又拜賓降自西序東面主人降復初位冠者立于西階東南面賓字之冠者對賓出主

人送于廟門外請醴賓賓禮辭許賓就次冠者見於  
兄弟兄弟再拜冠者答拜見贊者西面拜亦如之入  
見姑姊如見母乃易服服玄冠玄端辭贊擊見于  
君遂以摯見於鄉大夫鄉先生乃醴賓以壹獻之禮  
主人酬賓束帛儷皮贊者皆與贊冠者爲介賓出主  
人送于外門外再拜歸賓俎若不醴則醴用酒尊于  
房戶之間兩甔有禁玄酒在西加勺南枋洗有篚在  
西南順始加醴用脯醢賓降取爵于篚辭降如初卒  
洗升酌冠者拜受賓答拜如初冠者升筵坐左執爵  
右祭脯醢祭酒興筵末坐啐酒降筵拜賓答拜冠者

奠爵于薦車立于筵西徹薦爵筵尊不徹加皮弁如  
初儀再醴攝酒其他皆如初加爵弁如初儀三醴有  
乾肉折俎噉之其他如初北面取脯見于母若殺則  
特豚載合升離肺實于鼎設局鼎始醴如初再醴兩  
豆葵菹羸醢兩邊栗脯二醴攝酒如再醴加俎齊之  
皆如初齊肺卒醴取邊脯以降如初若孤子則分兒  
戒宿冠之日主人紛而迎賓拜揖讓立于序端皆如  
冠主禮於阼凡拜北面于阼階上賓亦北面于西階  
上各拜若殺則舉鼎陳于門外直東擊北面若燕子  
則冠于房外南面遂醴焉冠者母不在則使人受脯

于西階下戒賓曰某有子某將加布於其首願言子  
之教之也賓對曰某不敏恐不能共事以病吾子敢  
辭主人曰某猶願吾子之終教之也賓對曰吾子重  
有命某敢不從宿曰某將加布於其之首吾子將莅  
之敢宿賓對曰某敢不夙興始加祝曰令月吉日始  
加元服棄爾幼志順爾成德壽考惟祺介爾景福毋  
加曰吉月令辰乃申爾服敬爾威儀淑慎爾德壽  
萬年永受胡福三加曰以歲之正以月之令咸加爾  
服兄弟具在以成厥德黃耇無疆受天之慶醴辭曰  
打醴惟厚嘉薦令芳拜受祭之以定爾祥承天之休

壽考不忘醴辭曰旨酒既清嘉薦曾時始加元服兄  
弟具來孝友時格永乃保之再醴曰旨酒既清嘉薦  
伊脯乃申爾服禮儀有序祭此嘉爵承天之祐三醴  
曰旨酒令芳嘉豆有楚咸加爾服肴升折俎承天之  
慶受福無疆字辭曰禮儀既備令月吉日昭告爾字  
爰字孔嘉髦士攸宜宜之于假永受保之曰伯某甫  
仲叔季唯其所當履夏用葛玄端黑履青絢纁純純  
博寸素積白履以魁拊之緇絢纁純純博寸爵弁纁  
履黑絢纁純純博寸冬皮履可也不履纁履記冠義  
始冠緇布之冠也大古冠布齊則緇之其纁也孔子

曰吾采之聞也冠而敝之可也適子冠於阼以著代也醮於客位加有成也三加弥尊諭其志也冠而字之敬其名也委貌周道也章甫殷道也毋追夏后氏之道也周弁殷冔夏收三王共皮弁素積無大夫冠禮而有其昏禮古者五十而后爵何大夫冠禮之有公侯之有冠禮也夏之末造也天子之元子猶士也天下無生而貴者也繼世以立諸侯象賢也以官爵人德之殺也死而謚今也古者生無爵死無謚

儀禮卷第一

儀禮卷第二  
士昏禮第二

昏禮下達納采用鴈主人筵于戶西西上右几使者玄端至擯者出請事入告主人如賓服迎於門外再拜賓不答拜揖入至于廟門揖入三揖至于階三讓主人以賓升西面賓升西階當嚆東而致命主人阼階上北面再拜授于楹間南面賓降出主人降授老鴈擯者出請賓執鴈請問名主人許賓入授如初禮擯者出請賓告事畢入告出請醴賓賓禮辭許主人徹几改筵東上側尊無醴于房中主人迎賓于廟門



外揖讓如初升主人北面再拜賓西階上北面各拜  
 主人拂几授校拜送賓以几辟北面設于坐左之西  
 階上各拜贊者酌醴加角柶面葉出于房主人受醴  
 面枋筵前西北面賓拜受醴復位主人阼階上拜送  
 贊者薦脯醢賓即筵坐左執觶祭脯醢以柶祭醴三  
 西階上北面坐啐醴建柶與坐奠觶遂拜主人各拜  
 賓即筵奠于薦左降筵北面坐取脯主人辭賓降授  
 人脯出主人送于門外再拜納吉用薦如納采禮納  
 徵玄纁束帛儷皮如納吉禮請期用鴈主人辭賓許  
 告期如納徵禮期初昏陳二鼎于寢門外東方北面

北上其實特豚合升去蹄舉肺脊二祭肺二魚十有  
 四腊一純髀不升皆飪設高鼎設洗於阼階東南饌  
 于房中醢醬二豆菹醢四豆兼巾之黍稷四敦皆蓋  
 太羹清在饗尊于室中北墉下有禁玄酒在西給冪  
 加勺皆南枋尊于房戶之東無玄酒篚在南實四爵  
 合鬯主人爵弁纁裳緇袖從者畢玄端乘墨車從車  
 二乘執燭前馬婦車亦如之有祫至于門外主人筵  
 于戶西西上右几女次純衣纁袡立于房中南面姆  
 纁笄宵衣在其右女從者畢袷玄纁笄被纁黼在其  
 後主人玄端迎于門外西面再拜賓東面各拜主人

揖入賓執馮從至于廟門揖入三揖至于階三讓主人升西面賓升北面奠鴈再拜稽首降出婦從降自西階主人不降送壻御婦車授綏姆辭不受婦乘以几姆加景以驅御者代壻乘其車先後于門外婦至主人揖婦以入及寢門揖入升自西階媵布席于奧夫入于室即席婦尊西南面媵御沃盥交贊者徹尊審舉者盥出除幕舉鼎入陳于阼階南西北上匕俎從設北面載執而俟匕者逆退復位于門東北面西上贊者設醬于席前道醢在其北俎入設于且東魚次腊特于俎北贊設黍于醬東稷在其東設酒于

醬南設對醬于東道醢在其南北上設黍于腊北其西稷設酒于醬北御布對席贊啓會卻于敦南對敦于北贊告具揖婦即對筵皆坐皆祭祭薦黍稷肺贊爾黍授肺脊皆食以清醬皆祭舉食舉也三飯卒食贊洗爵酌醑主人主人拜受贊戶內北面各拜醑婦亦如之皆祭贊以肝從皆振祭臍肝皆實于道且卒爵皆拜贊各拜受爵再醑如初無從三醑用鬯亦如之贊洗爵酌于戶外尊入戶西北面奠爵拜皆各拜坐祭卒爵拜皆各拜與主人出婦復位乃徹于房中如設于室尊否主人說服于房媵受婦說服于室御

受姆授巾御衽于奧媵衽良席在東皆有枕北止主人入親說婦之纓燭出媵餽主人之餘御餽婦餘贊酌外尊醕之媵侍于戶外呼則聞夙興婦沐浴纚筭宵衣以俟見質明贊見婦于舅姑席于阼舅即席席于房外南面姑即席婦執筭棗栗自門入升自西階進拜奠于席舅坐撫之興答拜婦還又拜降階受筭服脩升進北面拜奠于席姑坐舉以興拜授人贊醴婦席于戶牖間側尊無醴于房中婦疑立于席西贊者酌醴加柶面枋出房席前北面婦東面拜受贊西階上北面拜送婦又拜薦脯醢婦升席左執觶右祭

脯醢以柶祭醴二降席東面坐啐醴建柶興拜執盃拜婦又拜奠于薦東北面坐取脯降出授人于門外舅姑入于室婦盥饋特豚合升側載無魚腊無稷竝南上其他如取女禮婦贊成祭卒食一醕無從席于此墉下婦徹設席前如初西上婦餽舅辭易醬婦餽姑之饌御贊祭豆黍脯舉肺脊乃食卒姑醕之婦拜受姑拜送坐祭卒爵姑受奠之婦徹于房中媵御餽姑醕之雖無娣媵先於是與始飯之錯舅姑共饗婦以一獻之禮舅洗于南洗姑洗于北洗奠酬舅姑先降自西階婦降自阼階歸婦俎于婦氏人舅饗送者

以一獻之禮酬以束錦姑饗婦人送者酬以束錦若  
異邦則贈丈夫送者以束錦若舅姑既沒則婦入三  
月乃奠菜席于廟奧東面右几席于北方南面祝盥  
婦盥于門外婦執筭菜祝帥婦以入祝告稱婦之姓  
曰某氏來婦敢奠嘉菜于皇舅某子婦拜扱地坐奠  
菜于几東席上還又拜如初婦降堂取筭菜入祝曰  
某氏來婦敢告于皇姑某氏奠菜于席如初禮婦出  
祝盥牖戶老醴婦于房中南面如舅姑醴婦之禮壻  
饗婦送者丈夫婦人如舅姑饗禮記士昏禮凡行事  
必用昏昕受諸禰廟辭無不腆無辱摯不用死皮鳥

必可制腊必用鮮魚用鮓必殺全女子許嫁笄而醴  
之稱字祖廟未毀教于公宮二月若祖廟已毀則教  
于宗室閭名主人受鴈還西面對賓受命乃降祭醴  
始扱壹祭又扱再祭賓右取脯左奉之乃歸執以反  
命納徵執皮攝之內文兼執足左首階入西上參分  
庭一在南賓致命釋外足見文主人受幣士受皮者  
自東出于後自左受遂坐攝皮逆退適東壻公醴女  
而俟迎者母南面于房外女出于母左父西面戒之  
必有正焉若衣若笄毋戒諸西階上不降婦棄以几  
從者一人坐持几相對婦入寢門贊者徹尊室酌玄

酒二屬于尊棄餘水于堂下階間加勺并緇被纁裏  
加于橋舅各拜宰徹笄婦帶薦饋于房饗婦姑薦焉  
婦洗在北堂直室東隅篚在東北面盥婦酢舅更爵  
自薦不敢辭洗舅降則辟于房不敢拜洗凡婦人相  
饗無降婦入三月然後祭行庶婦則使人醮之婦不  
饋皆辭曰吾子有患貺室某也某有先人之禮使某  
也請約采對曰某之子蠢愚又弗能教吾子命之某  
不敢辭致命曰敢納采問名曰某既受命將加諸卜  
敢請女為誰氏對曰吾子有命且以備數而擇之某  
不敢辭醴曰子為事故至於某之室某有先人之禮

請醴從者對曰某既得將事矣敢辭先人之禮敢因  
以請某辭不得命敢不從也納吉曰吾子有貺命某  
加諸卜占曰吉使某也敢告對曰某之子不教唯恐  
弗堪子有吉我與在某不敢辭納徵曰吾子有嘉命  
貺室某也某有先人之禮儷皮束帛使某也請納徵  
致命曰某敢納徵對曰吾子順先典貺某重禮某不  
敢辭敢不承命請期曰吾子有賜命某既申受命矣  
惟是三族之不虞使某也請吉日對曰某既前受命  
矣唯命是聽曰某命某聽命于吾子對曰某固惟命  
是聽使者曰某使某受命吾子不許某敢不告期曰

某日對曰某敢不敬須凡使者歸反命曰某既得將  
事矣敢以禮告主人曰聞命矣又醮子命之曰往迎  
爾相承我宗事勗帥以敬先妣之嗣若則有常子曰  
諾唯恐弗堪不敢忘命賓至墮者請對曰吾子命某  
以茲初昏使某將請承命對曰某固敬具以須父送  
女命之曰戒之敬之夙夜毋違命母施衿結帨曰勉  
之敬之夙夜無違官事庶母及門內施鞶申之以父  
母之命命之曰敬恭聽宗爾父母之言夙夜無愆視  
諸衿鞶增授綏姆辭曰未教不足與爲禮也宗子無  
父母命之親皆沒已躬命之支子則辨其宗弟稱其

兄若不親迎則婦入三月然後婿見曰某以得爲外  
昏姻請覲主人對曰某以得爲外昏姻之數某之子  
未得濯漑於祭祀是以未敢見今吾子辱請吾子之  
就官某將走見對曰某以非他故不足以辱命請終  
賜見對曰某得以爲昏姻之故不敢固辭敢不從主  
人出門左西面婿入門東面奠摯再拜出擯者以贄  
出請受婿禮辭許受贄入主人再拜受婿再拜送出  
見主婦主婦闔扉立于其內婿立于門外東面主婦  
一拜婿答再拜主婦又拜婿出主人請醴及揖讓入  
醴以一獻之禮主婦薦奠酬無幣婿出主人送再拜

儀禮卷第一

儀禮卷第三  
士相見禮第三

士相見之禮摯之用雉爰用牯左頭奉之曰某也願見無由達某子以命命某見主人對曰某子命某見吾子有辱請吾子之就家也某將走見賓對曰某不足以辱命請終賜見主人對曰某不敢為儀固請吾子之就家也某將走見賓對曰某不敢為儀固以請主人對曰某也固辭不得命將走見聞吾子稱摯敢辭摯賓對曰某不以摯不敢見主人對曰某不足以習禮敢固辭賓對曰某也不依於摯不敢見固以請

主人對曰某也固辭不得命敢不敬從出迎于門外  
再拜賓答再拜主人揖入門右賓奉摯入門左主人  
再拜賓送摯出主人請見賓反見退主人送  
于門外再拜主人復見之以其摯曰鄉者吾子辱使  
某見請還摯於將命者主人對曰某也既得見矣敢  
辭賓對曰某也非敢求見請還摯于將命者主人對  
曰某也既得見矣敢固辭賓對曰某不敢以聞固以  
請於將命者主人對曰某也固辭不得命敢不從賓  
奉摯入主人再拜受賓再拜送摯出主人送于門外  
再拜士見於大夫終辭其摯於其入也一拜其辱也

賓退送再拜若嘗為臣者則禮辭其摯曰某也辭不  
得命不敢固辭賓入奠摯再拜主人送于門外出使  
擯者還其摯于門外曰某也使某還摯賓對曰某也  
既得見矣敢辭擯者對曰某也命某某非敢為儀也  
敢以請賓對曰某也夫子之賤私不足以踐禮敢固  
辭擯者對曰某也使某不敢為儀也固以請賓對曰  
某固辭不得命敢不從再拜受下大夫相見以馬飾  
之以布維之以素如執雉上大夫相見以羔飾之以  
布匹維之結于面左頭如舞執之如士相見之禮始  
見于君執摯至下容彌蹙庶人見於君不為容進退



走士大夫則奠饗再拜稽首君若宣拜若他邦之人  
則使擯者還其摯曰寡君使其某還摯賓對曰君不有  
其外臣臣不敢辭再拜稽首受凡燕見於君必辯君  
之南面若不得則正方不疑君君在堂升見無方階  
辯君所在凡言非對也安而後傳言與君言言使臣  
與大人言言事君與老者言言使弟言與幼者言言  
孝弟于父兄與衆言言忠信慈祥與居官者言言忠  
信凡與大人言始視面中視抱卒視面毋改衆皆若  
是若父則遊目毋上於面毋下於帶若不言立則視  
足坐則視膝凡侍坐於君字君子久伸問日之早晏

以食貝告改居則請退可也夜侍  
可也若賜之食則君祭先飯獨  
之食然後食若有將食者則俟君  
賜之饗則下席再拜稽首受爵升  
卒爵然後授虛爵退坐取饅隱辟  
則曰君無為與臣不敢辭君若降  
遂出大夫則辭退下比及門三辭  
見之則辭辭不得命則曰某無以  
見先見之非以君命使則不稱寡  
之老凡執幣者不趨容彌蹙以為儀

坐問夜膳董請退  
有膳飲而俟君命  
不食然後食若君  
祭卒爵而俟君  
之則不敢而辭  
之則不得命將走  
之則曰寡君  
之三者則唯命

武壘前息廬凡自稱於君士大夫則曰  
邦則曰市井之臣在野則曰草茅之臣  
草之臣他國之人則曰外臣

下臣宅者在  
無人則曰刺

儀禮卷第三

儀禮卷第四

鄉飲酒禮第四

鄉飲酒之禮主人就先生而謀賓介主人戒賓賓拜  
辱主人荅拜乃請賓賓禮辭許主人再拜賓荅拜主  
人退賓拜辱介亦如之乃席賓主人介衆賓之席皆  
不屬焉尊兩壺于房戶間斯禁有玄酒在西設籩于  
禁南東肆加二勺于兩壺設洗于阼階東南南北以  
堂深東西當東榮水在洗東籩在洗西南肆羹定主  
人速賓賓拜辱主人荅拜還賓拜辱介亦如之賓及  
衆賓皆從之主人一相迎于門外再拜賓賓荅拜拜

介介荅拜揖衆賓主人揖先入賓厭介入門左介厭衆賓入衆賓皆入門左北上主人與賓三揖至于階三讓主人升賓升主人阼階上當楣北面再拜賓西階上當楣北面荅拜主人坐取爵于篚降洗賓降主人坐奠爵于階前辭賓對主人坐取爵與適洗南面坐奠爵于篚下盥洗賓進東北面辭洗主人坐奠爵于篚與對賓復位當西序東面主人坐取爵沃洗者送拜降階賓降主人辭賓對復位當西序卒盥揖讓升賓西階上疑立主人坐取爵實之賓之席前西北

面獻賓賓西階上拜主人少退賓進受爵以復位主人阼階上拜送爵賓少退薦脯醢賓升席自西方乃設折俎主人阼階東疑立賓坐左執爵祭脯醢奠爵于薦西與右手取肺卻左手執本坐弗繚右絕末以祭尚左手濟之興加于俎坐揜手遂祭酒興席末坐啐酒降席坐奠爵拜告旨執爵興主人阼階上荅拜賓西階上北面坐卒爵興坐奠爵遂拜執爵興主人阼階上荅拜賓降洗主人降賓坐奠爵興辭主人對賓坐取爵適洗南北面主人阼階東南面辭洗賓坐奠爵于篚興對主人復阼階東西面賓東北面盥坐

取爵卒洗揖讓如初升主人拜洗賓各拜興降盥如  
主人禮賓實爵主人之席前東南面酌主人主人酌  
階上拜賓少退主人進受爵復位賓西階上拜送爵  
薦脯醢主人升席自北方設折俎祭如賓禮不告旨  
自席前適阼階上北面坐卒爵興坐奠爵遂拜執爵  
興賓西階上各拜主人坐奠爵于序端阼階上北面  
再拜崇禘賓西階上各拜主人坐取觶于筵降洗賓  
降主人辭降賓不辭洗立當西序東面卒洗揖讓升  
賓西階上疑立主人實觶酬賓阼階上北面坐奠觶  
遂拜執觶興賓西階上各拜坐祭遂飲卒觶興坐奠

觶遂拜執觶興賓西階上各拜主人降洗賓降辭如  
獻禮升不拜洗賓西階上立主人實觶當之席前北  
面賓西階上各拜主人少退卒捧進坐奠觶于薦  
坐取觶奠位主人升階上拜送賓地而坐奠觶于  
薦東後立主人揖降賓降立于階西當序東面主人  
以介揖讓升拜如賓禮主人坐取爵于東序端降洗  
介降主人辭降介辭洗如賓禮升不拜洗介西階上  
立主人實爵介之席前西南面獻介介西階上北面  
拜主人少退介進北面受爵復位主人介北面拜  
送爵介少退主人立于西階東薦脯醢介升席自北

方設折道祭如賓禮不齊肺不啐酒不啗旨自南方  
降席北面坐卒爵與坐奠爵遂拜執爵與主人介右  
答拜介降洗主人復下階降辭如初卒洗主人復介  
揖讓升授主人爵于兩楹之間介西階上立主人實  
爵于西階上介右坐奠爵遂拜執爵與介答拜主  
人坐祭遂飲卒爵與坐奠爵遂拜執爵與介答拜主  
人坐奠爵于西楹南介右再拜崇酒介答拜主人復  
下階揖降介降立于賓南上之西南而三拜衆賓衆  
賓皆答壹拜主人揖升坐取爵于西楹下降洗升實  
爵于西階上獻衆賓衆賓之長升拜受者三人主人

拜送坐祭立飲不拜既爵授主人爵復位衆賓獻  
則不拜受爵坐祭立飲每一人獻則爲請正而衆賓  
辨有脯醢主人以爵酌奠于西階上實獻人升介  
獻衆賓拜衆賓答拜而退一人獻則爲請正而衆賓  
西階上坐奠爵遂拜執爵與主人實爵於西階上  
卒繼奠坐奠爵遂拜執爵與主人實爵於西階上  
于西階上賓拜進坐奠爵于西階上受以奠衆  
饋者西階上拜送賓坐奠爵于其所舉饋者各設席  
于堂廉東上工四人二瑟瑟先相者一人居左何瑟  
後者挾越內弦右手相樂正先升立于西階東工入

升自西階北面坐相者東面坐遂授瑟乃降工歌鹿  
鳴四社皇皇者華卒歌主人獻工工立必一人不拜  
不與受爵主人階上拜送爵爲脯醢使人相祭工  
飲不序既爵授主人爵祭工則不拜受爵祭飲辭有  
脯醢不祭入階則爲之正洗爵祭降主人辭降工不爵洗  
至入堂下誓焉北面區樂南階曰樂南主人獻之  
于西階上一人拜送爵  
前坐祭立飲爵  
爵坐祭立飲爵  
南方嘉魚樂宗立  
山有臺生由儀乃合樂周南

爾睢葛覃卷耳召南鵲巢采芣苢工告于樂正曰  
正歌備樂正告于賓乃降主人降席自南方側降作  
相爲司正司正禮辭許諾主人拜司正答拜主人升  
復席司正洗解司自西階階上北面受命于主人  
主人曰請安于賓司正告于賓賓禮辭許司正告于  
主人主人階上再拜賓西階上答拜司正立于楹  
間以相拜皆揖復席司正實解降自西階階間北面  
坐奠解退共少立坐取解不祭遂飲卒解與坐奠解  
遂拜執解與盥洗北面坐奠解于其所退立于解南  
賓北面坐取俎西之解階上北面酬主人主人降

席立于賓東賓坐奠觶遂拜執觶與主人各拜不祭  
立飲不拜卒觶不洗實觶東南面授主人主人阼階  
上拜賓少退主人受觶賓拜送于主人之西賓揖復  
席主人西階上酬介介降席自南方立于主人之西  
如賓酬主人之禮主人揖復席司正介相旅曰某子  
受酬受酬者降席司正退立于序端東面受酬者自  
介右衆受酬者受自左拜興飲皆如賓酬主人之禮  
辯卒受者以觶降坐奠于篚司正降復位使二人舉  
觶于賓介洗升實觶于西階上皆坐奠觶遂拜執觶  
與賓介席末各拜皆坐祭遂飲卒觶興坐奠觶遂拜

執觶與賓介席末各拜逆降洗升實觶皆立于西階  
上賓介皆拜皆進薦西奠之賓辭坐取觶以興介則  
薦南奠之介坐受以興退皆拜送降賓介奠于其所  
司正升自西階受命于主人主人曰請坐于賓賓辭  
以俎主人請徹俎賓許司正降階前命弟子俟徹俎  
司正升立于席端賓降席北面主人降席阼階上北  
面介降席西階上北面尊者降席席東南面實取俎  
還授司正司正以降賓從之主人取俎還授弟子弟  
子以降自西階主人降自阼階介取俎還授弟子弟  
子以降介從之若有諸公大夫則使人受俎如賓禮

衆賓皆降說屨揖讓如初升坐乃羞無筭爵無筭樂  
賓出奏陔主人送于門外再拜賓若有尊者諸公大  
夫則既一人舉觶乃入席于賓東公三重大夫再重  
公如大夫入主人降賓介降衆賓皆降復初位主人  
迎揖讓升公升如賓禮辭一席使一人去之大夫則  
如介禮有諸公則辭加席委于席端主人不徹無諸  
公則大夫辭加席主人對不去加席明日賓服鄉服  
以拜賜主人如賓服以拜辱主人釋服乃息司正無  
介不殺薦脯醢羞唯所有徵唯所欲以告于先生君  
子可也賓介不與鄉樂唯欲記鄉朝服而謀賓介皆

便能不宿戒蒲筵緇布純尊給冪賓至徹之其牲鉤  
也亨于堂東北獻用爵其他用解薦脯五挺橫祭于  
其上出自左房俎由東壁自西階升賓俎脊脊脊肺  
主人俎脊脊脊肺介俎脊脊脊肺皆離皆正體  
進腩以爵拜者不徒作坐卒爵者拜既爵立卒爵者  
不拜既爵凡奠者於左將舉於右衆賓之長一人辭  
洗如賓禮立者東面北上若有北面者則東立樂正  
與立者皆薦以齒凡舉爵三作而不徒爵樂作大夫  
不入獻工與笙取爵下上篚既獻奠于下篚其笙則  
獻諸西階上磬階間縮雷北面鼓之主人介凡升席



自北方降自南方司正既舉辭而薦諸其位凡旅不洗不洗者不祭既旅士不入徹俎賓介導者之俎受者以降遂出授從者主人之俎以東樂正命奏陔賓出至于階陔作若有諸公則大夫於主人之北西面主人之贊者西面北上不與無筭爵然後與

儀禮卷第四

儀禮卷第五

鄉射禮第五

鄉射之禮主人戒賓賓出迎再拜主人荅再拜乃請賓禮辭許主人再拜賓荅再拜主人退賓送再拜無介乃席賓南西東上衆賓之席繼而西席主人於阼階上西面尊于賓席之東兩壺斯禁左玄酒皆加勺篚在其南東肆設洗于阼階東南南北以堂深東西當東榮水在洗東篚在洗西南肆縣于洗東北西面乃張侯下綱不及地武不繫左下綱中掩束之之參侯道居侯黨之一西五步羹定主人朝服乃速賓賓

朝服出迎再拜主人答再拜退賓送再拜賓及衆賓  
遂從之及門主人一相出迎于門外再拜賓答再拜  
揖衆賓主人以賓揖先入賓厭衆賓衆賓皆入門左  
東面北上賓少進主人以賓三揖皆行及階三讓主  
人升一等賓升主人阼階上當楹北面再拜賓西階  
上當楹北面答再拜主人坐取爵于上篚以降賓降  
主人阼階前西面坐奠爵興辭降賓對主人坐取爵  
興適洗南面坐奠爵于篚下盥洗賓進東北面辭洗  
主人坐奠爵于篚興對賓反位主人卒洗壹揖壹讓  
以賓升賓西階上北面拜洗主人阼階上北面奠爵

遂答拜乃降賓降主人辭降賓對主人卒盥壹揖壹  
讓升賓升西階上疑立主人坐取爵賓之賓席之前  
西北面獻賓賓西階上北面拜主人少退賓進受爵  
于席前復位主人阼階上拜送爵賓少退薦脯醢賓  
升席自西方乃設折俎主人阼階東疑立賓坐左執  
爵右祭脯醢奠爵于薦西興取肺坐訖祭尚左于噉  
之興加于俎坐挽手執爵送祭酒興席末坐啐酒降  
席坐奠爵拜告旨執爵興主人阼階上答拜賓西階  
上北面坐卒爵興坐奠爵遂拜執爵興主人阼階上  
答拜賓以虛爵降主人降賓西階前東面坐奠爵興

辭降主人對賓坐取爵盥洗北面坐奠爵于篚下與  
盥洗主人阼階之東南面辭洗賓坐奠爵于篚與對  
主人反位賓坐洗揖讓如初升主人拜洗賓各拜與  
降盥如主人之禮賓亦皆爵主人之席前東南面酌  
主人主人阼階上拜賓少退主人進受爵復位賓西  
階上拜送爵薦脯醢主人升席自北方乃設折俎祭  
如賓禮不告旨自席前適阼階上北面坐卒爵與坐  
奠爵遂拜執爵與賓西階上北面答拜主人坐奠爵  
于序端阼階上再拜崇酒賓西階上答再拜主人坐  
取觶于篚以降賓降主人奠觶辭降賓對東面立主

人必取觶洗賓亦解洗卒洗揖讓升賓西階上疑立  
主人實酬之阼階上北面坐奠觶遂拜執觶與賓  
西階上北面答拜主人坐祭酒飲卒觶與坐奠觶遂  
拜執觶與賓西階上北面答拜主人降洗賓降辭如  
獻禮升不拜洗賓西階上坐主人之席前北面  
面賓西階上拜主人坐奠觶于篚西面辭坐取觶以  
興反位主人阼階上拜洗賓北面坐奠觶于篚東反  
位主人揖降賓降東面立于西階西面由西序主人西  
南面三拜衆賓衆賓皆答拜主人揖升坐取爵于  
序端降洗升實爵西階上獻衆賓衆賓之長升拜受

者三人主人拜送坐祭立飲不拜既爵授工人爵降  
復位衆賓皆不拜受爵坐祭立飲每一人獻則爲諸  
其席衆賓辯有脯醢主人以虛爵降奠于篚揖讓升  
賓厭衆賓升衆賓皆升就席一人洗盥禱於賓升賓  
解西階上坐奠解拜執解與賓席未終拜與解者坐  
祭遂欲卒解與坐奠解拜執解與賓席終拜降洗升賓  
之西階上北面賓拜舉解者進坐奠解于西賓辭  
坐取以興舉解者西階上拜送賓反奠于其所舉解  
者降大夫若有尊者則入門左主人降賓及衆賓皆  
降復初位主人揖讓以大夫升拜至大夫答拜主人

以爵降大夫降主人辭降大夫辭洗如賓禮席于尊  
東升不拜洗主人實爵席前獻于大夫大夫西階上  
拜進受爵反位主人大夫之右拜送大夫辭加席主  
人對不去加席乃薦脯醢大夫升席設折俎祭如賓  
禮不嘑肺不啐酒不告旨西階上主人答拜主人  
大夫降洗主人復阼階降解如初于堂主人爲揖讓  
升大夫授主人爵于西楹間復位主人爲奠以酢于  
西階上坐奠爵拜大夫答拜坐祭卒爵拜大夫答拜  
主人坐奠爵于西楹南再拜崇酒大夫答拜主人復  
阼階揖降大夫降立于賓南主人揖讓以賓升大夫

及衆賓皆升就席席工于西階上少東樂止先升北面立于其西工四人二瑟瑟先相者皆立於瑟面鼓執越內弦右手相入升自西階北面東工坐相者坐授瑟乃降笙入立于瑟中而乃合樂周南關雎葛覃卷耳召南鵲巢采芣苢不與告于樂正曰正歌備樂正告于賓乃降主人取爵于上筮獻工大師則爲之洗賓降主人辭降工不辭洗卒洗升賓爵工不與左瑟一人拜受爵主人阼階上拜送爵爲脯醢使人相祭工飲不拜既爵授主人爵衆工不拜受爵祭飲辯有脯醢不祭主人以爵降奠于筮反升就席主人降席自南方側降作相爲司正司正禮辭許諸主人再拜司正答拜主人升就席司正洗醴升自西階由楹內適阼階上北面受命于主人西階上北面請宴于賓賓禮辭許司正告于主人遂立於楹間以相拜主人阼階上再拜賓西階上答再拜皆揖就席司正實醴降自西階中庭北面坐奠醴興退少立進坐取解興反坐不祭遂卒解興坐奠醴拜執解興洗北

人拜于下盡階不升堂受爵主人拜送爵階前坐祭立飲不拜既爵升受主人爵衆坐不拜受爵坐祭立飲辯有脯醢不祭主人以爵降奠于筮反升就席主人降席自南方側降作相爲司正司正禮辭許諸主人再拜司正答拜主人升就席司正洗醴升自西階由楹內適阼階上北面受命于主人西階上北面請宴于賓賓禮辭許司正告于主人遂立於楹間以相拜主人阼階上再拜賓西階上答再拜皆揖就席司正實醴降自西階中庭北面坐奠醴興退少立進坐取解興反坐不祭遂卒解興坐奠醴拜執解興洗北

面坐奠于其所興少退北面立于解南未旅三耦俟  
于堂西南面東上司射適堂西袒決遂取弓于階西  
兼挾乘矢升自西階階上北面告于賓曰弓矢既具  
有司請射賓對曰某不能爲二三子許諾司射適階  
上東北面告于主人曰請射于賓賓許司射降自西  
階階前西面命弟子納射器乃納射器皆在堂西賓  
與大夫之弓倚于西序矢在弓下北括衆弓倚于堂  
西矢在其上主人之弓矢在東序東司射不釋弓矢  
遂以比三耦於堂西三耦之南北面上射曰某御於  
子命下射曰子與某子射司正爲司馬司馬命張侯

弟子說束遂繫左下綱司馬又命獲者倚旌于侯中  
獲者由西方坐取旌倚于侯中乃退樂正適西方命  
弟子贊工遷樂于下弟子相工如初入降自西階下  
之東南堂前三筭西面北上坐樂正北面立于其南  
司射猶挾乘矢以命三耦各與其耦讓取弓矢拾三  
耦皆袒決遂有司左執射右執弦而授弓遂授矢三  
南東面立于三耦之北搢三而挾一个揖進當階北  
面揖及階揖升堂揖豫則鉤楹內堂則由楹外當左  
物北面揖及物揖左足履物不方足還視侯中階正

足不去旌誘射將乘矢執弓不挾右執弦南面揖揖  
如升射降出千其位南適堂西改取一介挾之遂適  
階西取扑搢之以反位司馬命獲者執旌以負侯而  
俟司射還當上耦西面作上耦射司射反位上耦揖  
進上射在左並行當階北面揖及階上射先升三等  
下射從之中等上射升堂少左下射升上射揖並行  
皆當其物北面揖及物揖皆左足獲物還視侯中合  
足而俟司馬適堂西不決遂袒執弓出于司射之南  
升自西階鉤楹由上射之後西南面立于物間右執  
籥南揚弓命去侯獲者執旌許諾聲不絕以至于之

坐東面偃旌興而俟司馬出于下射之南還其後降  
自西階反由司射之南適堂西釋弓襲反位立于司  
射之南司射進與司馬交于階前相左由堂下西階  
之東北面視上射命曰無射獲無獵獲上射揖司射  
退反位乃射上射既發挾弓矢而后下射射拾發以  
將乘矢獲者坐而獲舉旌以宮偃旌以商獲而未釋  
獲卒射皆執弓不挾南面揖揖如升射上射降三等  
下射少右從之中等並行上射於左與升射者相左  
交于階前相揖由司馬之南適堂西釋弓說決拾襲  
而俟于堂西南面東上三耦卒射亦如之司射去扑

倚于西階之西升堂北面告于賓曰三耦卒射賓揖  
司射降搢扑反位司馬適堂西袒執弓由其位南進  
與司射交于階前相左升自西階鉤楹自右物之後  
立于物間西南面揖弓命取矢獲者執旌許諾聲不  
絕以旌負侯而侯司馬出于左物之南還其後降自  
西階遂適堂前北面立于所設楅之南命弟子設楅  
乃設楅于中庭南當洗東肆司馬由司射之南退釋  
弓于堂西襲反位弟子取矢北面坐委于楅北括乃  
退司馬襲進當楅南北面坐左右撫矢而乘之若矢  
不備則司馬又袒執弓如初升命曰取矢不索弟子

日西方應曰諾乃復來矢加于楅司射倚扑于階西  
升請射于賓如初賓許諾賓主人大夫若皆與射則  
遂告于賓適阼階上告于主人主人與賓爲耦遂告  
于大夫大夫雖衆皆與士爲耦以耦告于大夫曰某  
御於子西階上北面作衆賓射司射降搢扑由司馬  
之南適堂西立比衆耦衆賓將與射者皆降由司馬  
東面者則北上賓主人與大夫皆未降司射乃比衆  
耦辯遂命三耦拾取矢司射反位三耦拾取矢皆袒  
決遂執弓進立于司馬之西南司射作上耦取矢司



射反位上耦揖進當楅北面揖及楅揖上射東面下  
射西面上射揖進坐橫弓卻手自弓下取一个兼諸  
弣順羽且興執弦而左還退反位東面揖下射進坐  
橫弓覆手自弓上取一个與其他如上射既拾取乘  
矢揖皆左還南面揖皆少進當楅南皆左還北面楮  
三挾一个揖皆左還上射於右與進者相左相揖反  
位三耦拾取矢亦如之後者遂取誘射之矢兼乘矢  
而取之以授有司于西方而后反位衆賓未拾取矢  
皆袒決遂執弓楮二挾一个由堂西進繼三耦之南  
而立東南北上大夫之耦爲上司射作射如初一耦揖

升如初司馬命去侯獲者許諾司馬降釋弓反位司射猶  
挾一个去扑與司馬交于階前升請釋獲于賓賓許  
降楮扑西面立于所鹿中之東北面命釋獲者設中  
遠視之釋獲者執鹿中一人執筭以從之釋獲者坐  
設中兩當楅西當西序東面興受筭坐實八筭于中  
橫委其餘于中西南末興共而侯司射遂進由堂下  
北面命曰不肯不釋上射揖司射退反位釋獲者坐  
取之八筭改實八筭于中興執以侯乃射若中則  
釋獲者坐而釋獲每一个釋一筭上射於右下射於  
左若有餘筭則反委之人取中之八筭改實八筭于

中與執而侯三耦卒射賓主人大夫揖皆由其階降  
揖主人堂東袒決遂執弓搢三袂一賓於堂西亦  
如之比由其階階下揖升堂揖主人爲下射皆當其  
物北面揖及物揖乃射卒南面揖皆由其階階上揖  
降階揖皆當序西主人序東皆釋弓說決於襲之位升  
及能揖升堂揖皆就席大夫袒決遂執弓搢三袂一  
个由堂西出于司射之西就其耦大夫爲下射揖進  
耦少退揖如三耦及階耦先升卒射揖如升射耦先  
升降階耦少退皆釋弓于堂西襲耦遂止于堂西大  
夫升就席衆賓繼射釋獲止如初司射所作唯上耦

釋獲者遂以所執餘獲并自西階盡階不升堂  
童子賓曰左右卒射降及位必委餘獲于中西與共  
而侯司馬袒決執弓升命出矣如初獲者許諾以旌  
負侯如初司馬降釋弓及位弟子委矢如初大夫之  
矢則兼東之以茅上搢焉司馬棄矢如初司射遂適  
西階西釋弓去扑襲進由中東立于中南北面視筭  
釋獲者東面于中西坐先數右獲二筭爲純一純以  
取實于左手十純則縮而委之每委異之有餘純則  
橫於下一筭爲奇奇則又縮諸純下與自前適左東  
面坐兼歛筭實于左手一純以委十則異之其餘如

右獲司射復位不升堂告于賓共右勝則釋獲者遂  
進取賢獲執以升自西階盡階曰右賢於左若左勝  
則曰左賢於右以純數告若有奇者亦曰奇若左右  
鈞則左右皆執一筭以告曰左右鈞降復位坐兼斂  
筭實八筭于中委其餘于中西與共而俟司射適堂  
西命弟子設豐弟子奉豐升設于西楹之西乃降勝  
者之弟子洗觶升酌南面坐奠于豐上降袒執弓反  
位司射遂袒執弓挾一个揖扑北面于三耦之南命  
三耦及衆賓勝者皆袒決遂執張弓不勝者皆襲說  
決拾卻左手右加弛弓于其上遂以執附司射先反

位三耦及衆射者皆與其耦進立于射位北上司射  
作升飲者如作射一耦進揖如升射及階勝者先升  
升堂少右不勝者進北面坐取豐上之觶與少退立  
卒觶進坐奠于豐下與揖不勝者先降與升飲相左  
交于階前相揖出於司馬之南遂適堂西釋弓襲而  
俟有執爵者執爵者坐取觶實之反奠于豐上升飲  
者如初三耦卒飲賓主人大夫不勝則不執弓執爵  
者取觶降洗升實之以授于席前受觶以適西階上  
北面立飲卒觶授執爵者反就席大夫飲則耦不升  
若大夫之耦不勝則不執弛弓特升飲衆賓繼飲射

爵者辯乃微豐與解司馬洗爵升實之以降獻獲者  
于侯薦脯醢設折俎俎與薦皆三祭獲者負侯北面  
拜受爵司馬西面拜送爵獲者執爵使人執其薦與  
俎從之適右个設薦俎獲者南面坐左執爵祭脯醢  
執爵與取肺坐祭遂祭酒與適左个中皆如之左个  
之西北三步東面設薦俎獲者薦右東面立飲不拜  
既爵司馬受爵奠于篚後位獲者執其薦使人執俎  
從之辟設于之南獲者負侯而侯司射適階西釋弓  
夫去扑說決拾襲適洗洗爵升實之以降獻釋獲者  
于其位少南薦脯醢折俎有祭釋獲者薦右東面拜

受爵司射北面拜送爵釋獲者執其薦坐左執爵祭  
脯醢與取肺坐祭遂祭酒與司射之西北面立飲不  
拜既爵司射受爵奠于篚釋獲者少西辟薦反位司  
射適堂西袒決遂取弓于階西挾一个搯扑以反位  
司射去扑倚于階西升請射于賓如初賓計司射降  
搯扑由司馬之南適堂西命三耦及衆賓皆袒決遂  
執弓就位司射先反位三耦及衆賓皆袒決遂執弓  
各以其耦進反于射位司射作拾取矢三耦拾取矢  
如初反位賓主人大夫降揖如初主人堂上東賓堂西  
皆袒決遂執弓皆進階前揖及楅揖拾取矢如三耦

卒北可搢三挾一个揖退賓堂西主人堂東皆釋弓  
矢襲及階揖升堂揖就席大夫袒決遂執弓就其耦  
揖皆進如三耦耦東面大夫西面大夫進坐說矢東  
興反位而后耦揖進坐兼取乘矢順羽而興反位揖  
大夫進坐亦兼取乘矢如其耦北面搢三挾一个揖  
退耦反位大夫遂適序西釋弓矢襲升即席衆賓繼  
拾取矢皆如三耦以反位司射猶挾一个以進作上  
射如初一耦揖升如初司馬升命去快獲者許諾司  
馬降釋弓反位司射與司馬交于階前去扑襲升請  
以樂樂于賓賓許諾司射降搢扑東南命樂正曰請

以樂樂于賓賓許諾司射遂適階間堂下北面命曰不  
鼓不釋上射揖司射退反位樂正東面命大師曰奏  
騶虞間若一大師不興許諾樂正退反位乃奏騶虞  
以射三耦卒射賓主人大夫衆賓繼射釋獲如初卒  
射降釋獲者執餘獲升告左右卒射如初司馬升命  
取矢獲者許諾司馬降釋弓反位弟子委矢司馬乘  
之皆如初司射釋弓視筭如初釋獲者以賢獲與鈞  
告如初降復位司射命設豐設豐實觶如初遂命勝  
者執張弓不勝者執弛弓升飲如初司射猶袒決遂  
左執弓右執一个兼諸弦面鐵適堂西以命拾取矢

如初司射反位三耦及衆主人大夫衆賓皆袒決遂拾取矢如初次不挾兼諸弦弣以退不反位遂授有司于堂西辯拾取矢揖皆升就席司射乃適堂西釋弓去扑說決拾襲反位司馬命弟子說侯之左下綱而釋之命獲者以旌退命弟子退揖司射命獲者退中與筭而俟司馬反爲司正退復解南而立樂正命弟子贊工即位身子相工如其降也升自西階反坐賓北面坐取俎西之解與阼階上北面酬主人主人降席立于賓東賓坐奠解拜執解與主人答拜賓不祭卒解不拜不洗實之進東南面主人阼階上北面

拜賓少退主人進受解賓主人之西北面拜送賓揖就席主人以解適西階上酬大夫大夫降席立于主人之西如賓酬主人之禮主人揖就席若無大夫則長受酬亦如之司正升自西階相旅作受酬者曰某酬某子受酬者降席司正退立于西序端東面衆受酬者拜興飲皆如賓酬主人之禮辯遂酬在下者皆升受酬于西階上卒受者以解降奠于篚司正降復位使二人舉解于賓與大夫舉解者皆洗解升實之西階上北面皆坐奠解拜執解與賓與大夫皆席末答拜舉解者皆坐祭遂飲卒解與坐奠解拜執解與

賓與大夫皆答拜舉觶者逆降洗升實觶皆立于西階上北面東上賓與大夫拜舉觶者皆進坐奠于薦右賓與大夫辭坐受觶以興舉觶者退反位皆拜送乃降賓與大夫坐反奠于其所興若無大夫則唯賓司正升自西階阼階上受命于主人適西階上北面請坐于賓賓辭以俎反命于主人主人曰請徹俎賓許司正降自西階階前命弟子俟徹俎司正升立于序端賓降席北面主人降席自南方阼階上北面大夫降席席東南面賓取俎還授司正司正以降自西階賓從之降遂立于階西東面司正以俎出授從者

主人取俎還授弟子弟子受俎降自西階以東主人降自阼階西面立大夫取俎還授弟子弟子以降自西階遂出授從者大夫從之降立于賓南衆賓皆降立于大夫之南少退北上主人以賓揖讓說屨乃升大夫及衆賓皆說屨升坐乃羞無筭爵使二人舉觶賓與大夫不興取奠觶飲卒觶不拜執觶者受觶遂實之賓解以之主人大夫之解長受而錯皆不拜辯卒受者興以旅在下者于西階上長受酬酬者不拜乃飲卒解以實之受酬者不拜受辯旅皆不拜執觶者皆與旅卒受者以虛觶降奠于篚執觶者洗升實

解反奠于賓與大夫無筭樂賓與樂正命奏陔賓降  
及階陔作賓出衆賓皆出主人送于門外再拜明日  
賓朝服以拜賜于門外主人不見如賓服遂從之拜  
辱于門外乃退主人釋服乃息司正無介不殺使人  
速迎于門外不拜入升不拜至不拜洗薦脯醢無俎  
賓酢主人主人不崇酒不拜衆賓既獻衆賓一人舉  
解遂無筭爵無司正賓不與徵唯所欲以告於先生  
君子可也羞唯所有鄉樂唯欲記大夫與則公士爲  
賓使能不宿戒其牲狗也耳於堂東北尊給冪賓至  
徹之蒲筵縮布純西序之席北上獻用爵其他用解

以爵拜者不徒作薦脯用邊五臠祭半臠橫于上醢  
以豆出自東房臠長尺二寸俎由東室自西階升賓  
俎脊脅有肺主人俎脊脅臂肺肺皆離皆右體也進  
席凡舉爵三作而不徒爵凡奠者於左將舉者於右  
衆賓之長一人辭洗如賓禮若有諸公則如賓禮大  
大如介禮無諸公則大夫如賓禮樂作大夫不入樂  
正與立者齒三筮一和而成聲獻工與筮取爵于上  
篚既獻奠于下篚其筮則獻諸西階上立者東面北  
上司正既舉解而薦諸其位三耦者使弟子司射前  
戒之司射之弓矢與扑倚于西階之西司射既袒決



遂而升司馬階前命張侯遂命倚柱凡侯天子熊侯  
白質諸侯麋侯赤質大夫布侯畫以虎豹士布侯畫  
以鹿豕凡畫者丹質射自楹間物長如筈其間容弓距  
隨長武序則物當棟堂則物當楹命負侯者由其位  
凡適堂西皆出入于司馬之南唯賓與大夫降階遂  
西取弓矢旌各以其物無物則以白羽與朱羽糝杠  
長三仞以鴻脰韜上二尋凡挾矢於二指之間橫之  
司射在司馬之北司馬無事不執弓始射獲而未釋  
獲復釋獲復用樂行之也射於右楹長如筈博三寸  
厚寸有半龍首其中蛇交章當楹髮橫而奉之南面

坐而奠之南北當洗射者有過則撻之衆賓不與射  
者不降取誘射之矢者既拾取矢而后兼誘射之乘  
矢而取之賓主人射則司射擯升降卒射即席而反  
位卒重鹿中絲前足跪鑿背容八筭釋樽者奉之先  
首大夫降立于堂西以俟射大夫與士射袒纁襦端  
少退于物司射釋弓矢視筭與獻釋獲者釋弓矢禮  
射不主皮主皮之射者勝者又射不勝者降主人亦  
飲于西階上獲者之俎折脊脅肺皆有祭大夫說大東坐說之  
釋獲者之俎折脊脅肺皆有祭大夫說大東坐說之  
歌騶虞若采蘋比日五終射無筭古者於旅也語凡旅

不洗不洗者不祭既旅工不入大夫後出主人送于  
門外再拜鄉侯上介五尋中十尺侯道五下己弓二  
寸以爲侯中倍中以爲躬倍躬以爲左右舌下舌半  
上舌箭壽八十長尺有餘檠素楚并長如箭判本尺  
君射則爲下射上射退于物一箭既發則答君而侯  
君樂作而后就物君袒朱襦以射小臣以巾執矢以  
授若飲君如燕則火爵君國中射則皮樹中以翹旌權  
白羽與朱羽標於郊則問中以旌獲於竟則虎中能  
旌大夫兕中各以其物獲士鹿中翹旌以獲唯君有  
射于國中其餘否君在大夫射則肉袒儀禮卷第五

儀禮卷第六

燕禮第六

燕禮小臣戒與者膳宰具官饌于寢東樂人縣設洗  
篚于阼階東南當東雷鼙衆在東篚在洗西南肆設  
篚在其北西面司宮尊于東楹之西兩方壺左玄酒  
南上公尊瓦大兩有豐幕用給若錫在尊南南上尊  
士旅食于門西兩園壺司宮筵賓于戶西東上無加  
席也射人告具小臣設公席于阼階上西鄉設加席  
公升即位于席西鄉小臣納鄉大夫鄉大夫皆入門  
右北面東上士立于西方東面北上祝史立于門東

北面東上小臣師一人在東堂下南面士旅食者立  
于門西東上公降立于阼階之東南南鄉爾卿西  
面北上爾大夫大夫少進射人請賓公曰命某爲賓  
射人命賓賓少進禮辭及命又命之賓再拜稽首許  
諾射人反命賓出立于門外東面公揖卿大夫乃升  
就席小臣自阼階下北面請執帛者與羞膳者乃命執  
帛者執帛者升自西階立於尊南北面東上膳宰請  
羞于諸公卿者射人納賓賓入及庭公降一等揖之  
公升就席賓升自西階主人亦升自西階賓右北面  
主再拜賓答再拜主人降洗洗南西北面賓降階西

東面主人辭降賓對主人北面盥坐取觚洗賓少進  
辭洗主人坐奠觚于篚與對賓反位主人卒洗賓揖  
乃升主人升賓拜洗主人賓右奠觚答拜降盥賓降  
主人辭賓對卒盥賓揖升主人升坐取觚執帛者舉  
帛主人酌膳執帛者反帛主人筵前獻賓賓西階上  
拜筵前受爵反位主人賓右拜送爵膳宰薦脯醢賓  
升筵膳宰設折俎賓坐左執爵右祭脯醢奠爵于薦  
右興取肺坐絕祭齊之興加于俎坐扞手執爵遂祭  
酒興席未坐啐酒降席坐奠爵拜告旨執爵興主人  
答拜賓西階上北面坐卒爵興坐奠爵遂拜主人答

拜賓以虛爵降主人降賓洗南坐奠觚少進辭降主人東面對賓坐取觚奠于篚下盥洗主人辭洗賓坐奠觚于篚與對卒洗及階揖升主人升拜洗如賓禮賓降盥主人降賓辭降卒盥揖升酌膳執事如初以酢主人于西階上主人北面拜受爵賓主人之左拜送爵主人坐祭不啐酒不拜酒不告旨遂卒爵興坐奠爵拜執爵興賓答拜主人不崇酒以虛爵降奠于篚賓降立于西階西射人升賓賓升立于序內東面主人盥洗象觚升實之東北面獻于公公拜受爵主人降自西階阼階下北面拜送爵士薦脯醢膳宰設

折俎升自西階公公祭

賓禮膳宰贊授肺不拜酒立

卒爵坐奠爵拜執爵

主人答拜升受爵以降奠于

膳篚更爵洗升酌膳

以降酢于阼階下北面坐奠

爵揖拜稽首公答再拜

主人坐祭遂卒爵再拜稽首

公答再拜主人奠爵

篚主人盥洗升膳觚于賓酌

散西階上坐奠爵拜賓

賓降筵北面答拜主人坐祭

遂飲賓辭卒爵拜賓

答拜主人降洗賓降主人辭降

賓辭洗卒洗揖升不拜

洗主人酌膳賓西階上拜受

爵于筵前反位主人拜

送爵賓升席坐祭酒遂奠于

薦東主人降復位賓降

阼西東南面立小臣自阼階

下請媵爵者公命長小  
者作階下皆北面再拜  
洗南西面北上序進盥  
交于楹北降階下皆  
再拜媵爵者皆坐祭遂  
解與公答再拜媵爵者  
若君命皆致則序進奠  
公答再拜媵爵者洗象  
北上降階下皆再拜  
大夫所媵解與以酬賓  
作下大夫二人媵爵媵爵  
首公答再拜媵爵者立于  
角解升自西階序進酌散  
解再拜稽首執解與公答  
解與坐奠解再拜稽首執  
解待于洗南小臣請致者  
于篚降階下皆再拜稽首  
升實之序進坐奠于薦南  
首選解公答再拜公坐取  
降西階下再拜稽首公命

小臣辭賓升成拜公坐奠解  
賓下拜小臣辭賓升再拜稽首  
解與賓進受虛爵降奠于篚  
不洗反升酌膳解下拜小臣  
再拜賓以旅酬於西階上射  
大夫之右坐奠解拜執解與  
卒解不拜若膳解也則降更  
賓拜送大夫辭受酬如受賓  
虛解降奠于篚主人洗升實  
兼卷重席設于賓左東上卿  
升受觚主人拜送觚

卿辭重席司宮徹之乃薦脯醢卿升席坐左執爵右  
祭脯醢遂祭酒不啐酒降席西階上北面坐卒爵興  
坐奠爵拜執爵興主人荅拜受爵卿降復位辯獻卿  
主人以虛爵降奠于篚射人乃升卿卿皆升就席若  
有諸公則先卿獻之如獻卿之禮席于阼階西北面  
東上無加席小臣又請媵爵者二大夫媵爵如初請  
致者若命長致則媵爵者奠觶于篚一人待于洗南  
長致致者阼階下再拜稽首公令再拜洗象觶升實  
之坐奠于薦南降與立于洗南者二人皆再拜稽首  
送觶公荅再拜公又行一爵若賓若長准公所酬以

旅于西階上如初大夫卒受者以虛觶降奠于篚主  
人洗升獻大夫于西階上大夫升拜受觶主人拜送  
觶大夫坐祭立卒爵不拜既爵主人受爵大夫降復  
位胥薦主人于洗北西面脯醢無胥辯獻大夫遂為  
之繼賓以西東上卒射人乃升大夫大夫皆升就席  
席工于西階上少東樂正先升北面立于其西小臣  
納工工四人二瑟小臣左何瑟面鼓執越內弦右手  
相入升自西階北面東上坐小臣坐授瑟乃降工歌  
鹿鳴四牡皇皇者華卒歌主人洗升獻工工不興左  
瑟一人拜受爵主人西階上拜送爵薦脯醢使人相

祭卒爵不拜主人受爵衆工不拜受爵坐祭遂卒爵  
辯有脯醢不祭主人受爵降奠于篚公又舉奠解唯  
公所賜以旅于西階上如初卒笙人立于縣中奏南  
陔白華華黍主人洗升獻笙于西階上一人拜盡階  
不升堂受爵降主人拜送爵階前坐祭立卒爵不拜  
既爵升授主人衆笙不拜受爵降坐祭立卒爵辯有  
脯醢不祭乃間歌魚麗笙由庚歌南有嘉魚笙崇丘  
歌南山有臺笙由儀遂歌鄉樂周南關雎葛覃卷耳  
召南鵲巢采芣采蘋大師告于樂正曰正歌備樂正  
由楹內東楹之東告于公乃降復位射人自阼階下

請立司正公許射人遂爲司正司正洗角觶南面坐  
奠于中庭升東楹之東受命西階上北面命卿大夫  
君曰以我安卿大夫皆對曰諾敢不安司正降自西  
階南面坐取觶升酌散降南面坐奠觶右還北面少  
立坐取觶興坐不祭卒觶奠之興再拜稽首左還南  
面坐取觶洗南面反奠于其所升自西階東楹之東  
請徹俎降公許告于賓賓北面取俎以出膳宰徹公  
俎降自阼階以東卿大夫皆降東面北上賓反入及  
卿大夫皆說屨升就席公以賓及卿大夫皆坐乃安  
羞庶羞大夫祭薦司正升受命皆命君曰無不醉賓

及卿大夫皆興對曰諾敢不醉皆反坐主人洗升獻  
士于西階上士長升拜受觶主人拜送觶士坐祭立  
飲不拜既爵其他不拜坐祭立飲乃薦司正與射人  
一人司士一人執霽二人立于觶南東上辯獻士士  
既獻者立于東方西面北上乃薦士祝史小臣師亦  
就其位而薦之主人就旅食之尊而獻之旅食不拜  
受爵坐祭立飲若射則大射正爲司射如鄉射之禮  
賓降洗升勝觶于公酌散下拜公降一等小臣辭賓  
升再拜稽首公答再拜賓坐祭卒爵再拜稽首公答  
再拜賓降洗象觶升酌膳坐奠于觶南降拜小臣辭

賓升成拜公答再拜賓反位公坐取賓所勝觶與  
公所賜受者如初受酬之禮降更爵洗升酌膳下拜  
小臣辭升成拜公答拜乃就席坐行之有執爵者唯  
受于公者拜司正命執爵者辭卒受者興以酬士  
大夫卒受者以爵興西階上酬士士升大夫奠爵拜  
士答拜大夫立卒爵不拜賓之士拜受大夫拜送士  
旅于西階上辯士旅酌卒主人洗升自西階獻庶子  
于阼階上如獻士之禮辯降洗遂獻左右正與內小  
臣皆於阼階上如獻庶子之禮無辨爵士也有執膳  
爵者有執散爵者執膳爵者酌以進公公不拜受執



散爵者酌以之公命所賜所賜者興受爵降席下奠  
爵再拜稽首公答拜受賜爵者以爵就席坐公卒爵  
然後飲執膳爵者受公爵酌及奠之受賜爵者興授  
執散爵執散爵者乃酌行之唯受爵於公者拜卒受  
爵者興以酬士于西階上士大夫不拜乃飲實爵  
士不拜受爵大夫就席士旅酌亦如之公有命徹幕  
則卿大夫皆降西階下北面東上再拜稽首公命小  
臣辭公答再拜大夫皆辟遂升反坐士終旅於上如  
初無等樂宵則庶子執燭於阼階上司官執燭於西  
階上甸人執大燭於庭閭人為大燭於門外賓辭北

面坐取其薦脯以降奏陔賓所執脯以賜鍾人於門  
內饗遂出卿大夫皆出公不送公與客燕曰寡君有  
不腆之酒以請吾子之與寡君須臾焉使某也以請  
對曰寡君君之私也君無所辱賜于使臣臣敢辭寡  
君固曰不腆使某固以請寡君君之私也君無所辱  
賜于使臣臣敢固辭寡君固曰不腆使某固以請寡  
君固曰不腆使某固以請寡君君之私也君無所辱  
賜于使臣臣敢不從致命曰寡君使某有不腆之酒  
以請吾子之與寡君須臾焉君貺寡君多矣又辱賜  
于使臣臣敢拜賜命記燕朝服於寢其牲狗也耳于  
門外東方若與四方之賓燕則公迎之于大門內揖

讓升賓爲高敬席于阼階之西北面有晉不齊肺不  
啣酒其介爲賓無膳尊無膳爵與卿燕則大夫爲賓  
與大夫燕亦大夫爲賓蓋膳者與執事者皆士也蓋  
卿者小膳宰也若以樂納賓則賓及庭奏肆夏賓拜  
酒主人答拜而樂闋公拜受爵而奏肆夏公卒爵士  
人升受爵以下而樂闋升歌鹿鳴下管新宮笙入一  
成遂合鄉樂若舞則勺唯公與賓有俎獻公曰臣敢  
奏爵以聽命凡公所辭皆栗階凡栗階不過二等凡  
公所酬既拜請旅侍臣凡薦與羞者小膳宰也有內  
者若與射則爲下射袒采襦樂作而后就物小臣以  
巾授矢稍屬不以樂志既發則小臣受弓以授弓人  
上射退于物一筭既發則答君而侯若飲君燕則夾  
爵君在大夫射則內袒若與四方之賓燕膳爵曰臣  
受賜矣臣請贊執爵者相者對曰吾子無自辱焉有  
房中之樂

儀禮卷第六

儀禮卷第七  
大射儀第七

大射之儀君有命戒射宰戒百官有事於射者射人  
戒諸公卿大夫射司士戒士射與贊者前射三日宰  
夫戒宰及司馬射人宿視滌司馬命量人量侯道與  
所設之以黜步大侯九十參七十干五十設之各去  
其侯西十北十遂命量人中車張三侯大侯之崇見  
鵠於參參見鵠於干干不及地武不繫左下綱設之  
西十北十凡之用革樂人宿縣于阼階東笙磬西面  
其南笙鍾其南鑄皆南陳建鼓在阼階西南鼓應鼈

在其東南鼓西階之西頌磬東面其南鍾其南鑄皆  
南陳一建鼓在其南東鼓朔鼙在其北一建鼓在西  
階之東南面簫在建鼓之間鼗倚于頌磬西絃厥明  
司宮尊于東楹之西兩方壺膳尊兩甒在南有豐罍  
用錫若絺綴諸箭蓋罍加勺又反之皆玄尊酒在北  
尊士旅食于西罇之南北面兩罍壺又尊于大侯之  
之東北兩壺獻酒設洗于阼階東南壘水在東篚在  
洗西南陳設膳篚在其北西面又設洗于獲者之尊  
西北水在洗北篚在南東陳小臣設公席于阼階上  
西鄉司宮設賓席于戶西南面有加席鄉席賓東東

下小鄉東上大夫繼而東上若有東面者則北  
上帝于西階之東東上諸公阼階西北面東上官  
撰羹定射人各具于公公升即位于席西鄉小臣師  
納諸八室大夫諸公鄉大夫皆入門右北面東上士  
西方東面北上太史在于侯之東北北面東上士旅  
食者三士南北面東上小臣師從者在東堂下南面  
西上八公降立于阼階之東南南鄉小臣師詔揖諸公  
鄉大夫諸公鄉大夫西面北上揖大夫大夫皆少進  
大射正擯擯者請賓公曰命某為賓擯者命賓賓少  
進禮辭反命又命之賓再拜稽首受命擯者反命賓

出立于門外北面八公揖卿大夫升就席小臣自阼階  
下北面請執帛者與羞膳者乃命執帛者執帛者升  
自西階立于尊南北面東上膳宰請羞于諸公卿者  
擯者納賓賓及庭公降一等揖賓賓辟公升即席奏  
肆夏賓升自西階主人從之賓右北面至再拜賓答  
再拜主人降洗洗南西北面賓降階西東面主人辭  
降賓對主人北面盥坐取觚洗賓少進辭洗主人坐  
奠觚于篚與對賓反位主人卒洗賓揖乃升主人升  
賓拜洗主人賓右奠觚答拜降盥賓降主人辭降賓  
對卒盥賓揖升主人升坐取觚執帛者舉帛主人酌

膳執帛者羞帛酌者加勺又反之筵前獻賓賓西階  
上拜受爵于筵前反位主人賓右拜送爵宰背薦脯  
醴賓升筵庶子設折俎賓坐左執觚右祭脯醴奠爵  
于薦右與取肺坐絕祭臍之與加于俎坐拱手執爵  
遂祭酒與席末坐啐酒降席坐奠爵拜告于執爵與  
主人答拜樂闋賓西階上北面坐卒爵與坐奠爵拜  
執爵與主人答拜賓以虛爵降主人降賓洗南西北  
面坐奠觚少進辭降主人西階西東面少進對賓坐  
取觚奠于篚下盥洗主人辭洗賓坐奠觚于篚與對  
卒洗及階揖升主人升拜洗如賓禮賓降盥主人降

賓辭降卒盥揖升酌膳執帛如初以酢主人于西階  
上主人北面拜受爵賓主人之左拜送爵主人坐祭  
不啐酒不拜酒遂卒爵興坐奠爵拜執爵興賓答拜  
主人不崇酒以虛爵降奠于篚賓降立于西階西東  
面擯者以命升賓賓并立于西序東面主人盥洗象  
觚升酌膳東北面獻于公公拜受爵乃奏肆夏主人  
降自西階阼階下北面拜送爵宰胥薦脯醢由左房  
庶子設折俎升自西階公祭如賓禮庶子贊授肺不  
拜酒立卒爵坐奠爵拜執爵興主人答拜樂闋升受  
爵降奠于篚更爵洗升酌散以降酢于阼階下北面

坐奠爵再拜稽首公答拜主人坐祭遂卒爵興坐奠  
爵再拜稽首公答拜主人奠爵于篚主人盥洗升膳  
于賓酌散西階上坐奠爵拜賓西階上北面答拜  
主人坐祭遂飲賓辭卒爵興坐奠爵拜執爵興賓答  
拜主人降洗賓降主人辭降賓辭洗卒洗賓揖升不  
拜洗主人酌膳賓西階上拜受爵于筵前反位主人  
拜送爵賓升席坐祭酒遂奠于薦東主人降復位賓降  
筵西東南面立小臣自阼階下請膳爵者公命長小  
臣作下大夫二人膳爵膳爵者阼階下皆北面再拜  
稽首公答拜膳爵者立于洗南西面北上序進盥洗

角觶升自西階序進酌散交于搢北降適阼階下皆奠觶再拜稽首執觶興公答拜媵爵者皆坐祭遂卒觶興坐奠觶再拜稽首執觶興公答再拜媵爵者執觶待于洗南小臣請致者若命皆致則序進奠觶于篚阼階下皆北面再拜稽首公答拜媵爵者洗象觶升實之序進坐奠于薦南北上降適阼階下皆再拜稽首送觶公答拜媵爵者皆退反位公坐取大夫所媵觶興以酬賓賓降西階下再拜稽首小臣正辭賓升成拜公坐奠觶答拜執觶興公卒觶賓下拜小臣正辭賓升再拜稽首公坐奠觶答拜執觶興賓進受

虛觶降奠于篚易觶興洗公有命則不易不洗反升酌膳下拜小臣正辭賓升再拜稽首公答拜賓告于擯者請旅諸臣擯者告于公公許賓以旅大夫于西階上擯者作大夫長升受旅賓大夫之右坐奠觶拜執觶興大夫答拜賓坐祭立卒觶不拜若膳觶也則降更觶洗升實散大夫拜受賓拜送遂就席大夫辯受酬如受賓酬之禮不祭酒卒受者以虛觶降奠于篚復位主人洗觶升實散獻卿于西階上司官兼卷重席設于實左東上卿升拜受觶主人拜送觶卿辭重席司官徹之乃薦脯醢卿升席庶子設折俎卿坐

左執爵右祭脯醢奠爵于薦右興取肺坐絕祭不啻  
肺興加于俎坐挽手取爵遂祭酒執爵興降席西階  
上北面坐卒爵興坐奠爵拜執爵興主人答拜受爵  
卿降復位辯獻卿主人以虛爵降奠于篚擯者升卿  
卿皆升就席若有諸公則先卿獻之如獻卿之禮席  
下階階西北面東上無加席小臣又請媵爵者一大  
媵爵如初請致者若命長致則媵爵者奠解于篚  
一又待于洗南長致者階階下再拜稽首公答拜洗  
奠解升實之坐奠于薦南降興立于洗南者二人皆  
拜稽首迭解公答拜公又行一爵若賓若長唯公

所賜以旅于西階上如初大夫卒受者以虛解降奠  
于篚主人洗觚升獻大夫于西階上大夫升拜受觚  
主人拜送觚大夫坐祭立卒爵不拜既爵主人受爵  
大夫降復位胥薦主人于洗北西面脯醢無胥辯獻  
大夫遂薦之繼賓以西東上若有東面者則北上卒  
擯者升大夫大夫皆升就席乃席工于西階上少東  
小臣納工工六人四瑟僕人正徒相太師僕人師相  
少師僕人士相上工相者皆左何瑟後首內弦擗越  
右手相後者徒相入小樂正捷之升自西階北面東  
上坐授瑟乃降小樂正立于西階東乃歌鹿鳴三終



主人洗升實爵獻工工不興左懸一人拜受爵主人  
西階上拜送爵薦脯醢使人相祭卒爵不拜主人受  
虛爵衆工不拜受爵坐祭遂卒爵辯有脯醢不祭主  
人受爵降奠于篚復位太師及少師上工皆降立于  
鼓北羣工陪于後乃管新宮三終卒管太師及少師  
上工皆東坫之東南西面北上坐擯者自阼階下請  
立司正公許擯者遂爲司正司正適洗洗角解南面  
坐奠于中庭升東楹之東受命于公西階上北面命  
賓諸公卿大夫公曰以我室賓諸公卿大夫皆對曰  
諾敢不安司正降自西階南面坐取解升酌散降南  
面坐奠解與右還北面少立坐取解與坐不祭卒解  
奠之與再拜稽首左還南面坐取解洗南面反奠于  
其所北面立司射適次袒決遂執弓挾乘矢於弓外  
見鏃於附右巨指鈎弦自阼階前曰爲政請射遂告  
曰大夫與大夫士御於大夫遂適西階前東面右顧  
命有司納射器射器皆入君之弓矢適東堂賓之弓  
矢與中籌豐皆止于西堂下衆弓矢不挾總衆弓矢  
楅皆適次而俟工人士與梓人升自北階兩楹之間  
疏數容弓若丹若墨度尺而午射正莅之卒畫自北  
階下司宮埽所畫物自北階下太史俟于所設中之

西東面以聽政司射西面誓之曰公射大侯大夫射  
參子射于射者非其侯中之不獲卑者與尊者為耦  
不異侯太史許諾遂比三耦三耦俟于次北西面北  
上司射命上射曰某御於子命下射曰子與某子射  
卒遂命三耦取弓矢于次司射入于次指三揆一个  
出于次西面揖當階北面揖及階揖升堂揖當物北  
面揖及物揖由下物少退誘射射三侯將棄矢始射  
于又射參大侯再發卒射北面揖及階揖降如升射  
之儀遂適堂西改取一个揆之遂取扑搯之以立于  
所設中之西南東面司馬帥命其侯者執旌以負

侯者皆適侯執旌負侯而俟司射適次作上耦射  
司射及命上耦出次西面揖進上射在左並行當階  
北面揖及階揖上射先升三等下射從之中等上射  
升堂少左下射升上射揖並行皆當其物北面揖及  
物揖皆左足復物還視侯中合足而俟司馬正適次  
袒決遂執弓右揆之出升自西階適下物立于物間  
左執弦右執簫南揚弓命去侯負侯皆許諾以宮趨  
直西及之南又諾以商至之聲止按獲者退立于西  
方獲者與其而俟司馬正出于下射之南還其後降  
自西階遂適次釋弓說決拾襲及位司射進與司馬

正交于階前相左由堂下西階之東北面視上射命  
曰毋射獲毋獲獲上射揖司射退反位乃射上射既  
發挾矢而后下射射拾發以將棄矢獲者坐而獲舉  
旌以官偃旌以商獲而未釋獲卒射右挾之北面揖  
揖如升射上射降三等下射少右從之中等並行上  
射於左與升射者相左交于階前相揖適次釋弓說  
決拾襲反位二耦卒射亦如之司射去扑倚于階西  
適阼階下北面告于公曰三耦卒射反揖扑反位司  
馬正袒決遂執弓右挾之出與司射交于階前相左  
升自西階自右物之後立于物間西南面揖弓命取

矢負侯許諾如  
初去侯皆執旌以負其侯而侯司馬  
正降自西階北  
面命設楅小臣師設楅司馬正東面  
以弓爲畢既設  
楅司馬正適次釋弓說決拾襲反位  
小臣坐委矢于  
楅北括司馬師坐乘之卒若矢不備  
則司馬正又袒  
說弓升命取矢加初曰取矢不索乃  
復求矢加于楅  
卒司馬正進坐左右撫之與反位司  
射適西階西楅  
扑亦自西階東面請射于公公許遂  
適西階上命宥  
御于公諸公卿則以耦告于上大夫  
則降即位而后  
告司射自西階上北面告于大夫曰  
請降司射先降  
楅扑反位大夫從之降適次立于二

耦之南西面北上司射東面于大夫之西比耦大夫  
 與大夫命上射曰某御於子命下射曰子與某子射  
 卒遂比衆耦衆耦立于大夫之南西面北上若有士  
 與大夫爲耦則以大夫之耦爲上命大夫之耦曰子  
 與某子射告於大夫曰某御於子命衆耦如命三耦  
 之辭諸公卿皆未降遂命三耦各與其耦拾取矢皆  
 袒決遂執弓右挾之一耦出西面揖當楅北而揖及  
 楅揖上射東面下射西面上射揖進坐橫弓卻手自  
 弓下取一个兼諸附與順羽且左還毋周反面揖下  
 取一个兼諸附與順羽且

左還毋周反面揖既拾取矢擗之兼挾乘矢皆內還  
 南面揖適楅南皆左還北面揖搯三挾一个揖以耦  
 左還上射於左退者與進者相左相揖退釋弓矢于  
 次說決拾襲反位二耦拾取矢亦如之後者遂取誘  
 射之矢兼乘矢而取之以授有司于次中皆襲反位  
 司射作射如初一耦揖升如初司馬命去侯負侯許  
 諾如初司馬降釋弓反位司射猶挾一个去扑與司  
 馬交于階前適阼階下北面請釋獲于公公許反搯  
 扑遂命釋獲者設中以弓爲畢北面太史釋獲小臣  
 師執中先首坐設之東面退太史實八筭于中橫委

其餘于中西與共而俟司射西面命曰中離維綱揚  
觸捆復公則釋獲衆則不與唯公所中中三侯皆獲  
釋獲者命小史小史命獲者司射遂進由堂下北面  
視上射命曰不負不釋上射揖司射退反位釋獲者  
坐取中之八筭以實八筭與執而俟乃射若中則釋  
獲者每一個釋一筭上射於右下射於左若有餘筭  
則反委之又取中之八筭改實八筭于中與執而俟  
三耦卒射賓降而司馬師命負侯皆執其旌以負其  
耦以南公將射則司馬師命負侯皆執其旌以負其  
侯而俟司馬師位隸僕人掃侯道司射去扑道除

階下告射于公公許適西階東告于賓遂摺扑反位  
小射正一人取公之決拾于東站上一小射正授弓  
拂弓皆以俟于東堂公將射則賓降適堂西袒決遂  
執弓摺三挾一个升自西階先待于物北北一奇東  
面立司馬升命去侯如初還右乃降釋弓反位公就  
物小射正奉決拾以筭大射正執弓皆以從於物小  
射正坐奠筭于物南遂拂以巾取決與贊設決未極  
三小臣正贊袒公袒朱搏卒袒小臣正退俟于東堂  
小射正又坐取拾與贊設拾以筭退奠于站止復位  
大射正執弓以挾順左右限上再下壹左執附右執

簫以授八公公親操之小臣以巾內拂矢而授矢于  
公稍屬大射正立于八公後以矢行告于公下曰留上  
曰揚左右曰方八公無事大射正受弓而俟拾發以將  
乘矢公卒射小臣師以巾退反位大射正受弓小射  
正以筭受決拾退奠于地上復位大射正退反司正  
之位小臣正贊襲公還而后賓降釋弓于堂西反位  
于階西東面公即席司正以命升賓賓升復筵而后  
卿大夫繼射諸公卿取弓矢于次中袒決遂執弓搯  
三挾一个出西面揖揖如三耦升射卒射降如三耦  
適次釋弓說決拾襲反位衆皆繼射釋獲皆如初卒

射釋獲者遂以所執餘獲適階下北面告于公曰  
左右卒射反位坐委餘獲于中西與共而俟司馬袒  
執弓升命取矢如初負侯許諾以旌負侯如初司馬  
降釋弓如初小臣委矢于楅如初賓諸公卿大夫之  
矢皆異東之以茅卒正坐左右撫之進東反位賓之  
矢則以授矢人于西堂下司馬釋弓反位而后卿大  
夫升就席司射適階西釋弓去扑襲進由中東立于  
中南北面視筭釋獲者東面于中西坐先數右獲二  
筭爲純一純以取實于左手十純則縮而委之每委  
異之有餘純則橫諸下一筭爲奇奇則又縮諸純下

興自前適左東面坐坐兼斂筭實于左手一純以委  
十則異之其餘如右獲司射復位釋獲者遂進取賢  
獲執之由阼階下北面告于公若右勝則曰右賢於  
左若左勝則曰左賢於右以純數告若有奇者亦曰  
奇若左右鈞則左右各執一筭以告曰左右鈞還復  
位坐兼斂筭實八筭于中委其餘于中西興共而俟  
司射命設豐司宮士奉豐由西階升北面坐設于西  
楹西降復位勝者之弟子洗解升酌散南面坐奠于  
豐上降反位司射遂袒執弓挾一个揖扑東面于三  
耦之西命三耦及衆射者勝者皆袒決遂執張弓不

勝者曰襲說法拾部左手右加弛弓于其上遂以  
附司射先反位三耦及衆射者皆升飲射爵于西階  
上小射正作升飲射爵者如作射一耦出揖如升射  
及階勝者先升升堂少右不勝者進北面坐取豐上  
之解興少退立卒解進坐奠于豐下興揖不勝者先  
降興升飲者相左交于階前相揖適次釋弓襲反位  
僕人師繼酌射爵取解實之反奠于豐上退俟于序  
端升飲者如初三耦卒飲若賓諸公卿大夫不勝則  
不降不執弓耦不升僕人師洗升實解以授賓諸公  
卿大夫受解于席以降適西階上北面立飲卒解授

執爵者反就席若飲公則侍射者降洗角觶升酌散  
降拜公降一等小臣正辭賓升再拜稽首公答再拜  
賓坐祭卒爵再拜稽首公答再拜賓降洗象觶升酌  
脯以致下拜小臣正辭升再拜稽首公答再拜公卒  
解賓進受觶降洗散觶升實散下拜小臣正辭升再  
拜稽首公答再拜賓坐不祭卒觶降奠于篚階西東  
面立擯者以命升賓賓升就席若諸公卿大夫之耦  
不勝則亦執弛弓特升飲衆皆繼飲射爵如三耦射  
爵辭乃徹豐與觶司宮尊侯于服不之東北兩獻酒  
東面南上皆加勺設洗于奠西北篚在南東肆實一

于篚司馬正洗散象觶獻服不服不侯西北三  
步北面拜受爵司馬正西面拜送爵反位宰夫有司  
薦庶子設折俎卒錯獲者適右个薦俎從之獲者左  
執爵右祭薦俎二手祭酒適左个祭如右个中亦如  
之左祭左个之西北三步東面設薦俎立卒爵司馬  
師受虛爵洗獻隸僕人與巾車獲者皆如大侯之禮  
卒司馬師受虛爵奠于篚獲者皆執其薦庶子執俎  
從之設于之少南服不復負侯而侯司射適階西去扑  
適堂西釋弓說決拾襲適洗洗觶升實之降獻釋獲  
者于其位少南薦脯醢折俎皆有祭釋獲者薦右東



面拜受爵司射北面拜送爵釋獲者就其薦坐左執爵右祭脯醢與取肺坐祭遂祭酒與司射之西北面立卒爵不拜既爵司射受虛爵奠于篚釋獲者少西辟薦反位司射適堂西袒決遂取弓挾一个適階西揖扑以反位司射倚扑于階西適階下北面請射于公如初反揖扑適次命三耦皆袒決遂執弓序出取矢司射先反位三耦拾取矢如初小射正作取矢如初三耦既拾取矢諸公卿大夫皆降如初位與耦入於次皆袒決遂執弓皆進當楅進坐說矢東上射東面下射西面拾取矢如三耦若士與大夫爲耦士東

面大夫西面大夫進坐說矢東退反位耦揖進坐燕取秉矢與順羽且左還毋周反而揖大夫進坐亦兼取秉矢如其耦北面揖三袂一个揖進大夫與其耦皆適堂釋弓說決拾襲反位諸公卿升就席衆射者繼拾取矢皆如三耦遂入于次釋弓矢說決拾襲反位司射猶挾一个以作射如初一耦揖升如初司馬升命去侯負侯許諾司馬降釋弓反位司射與司馬交于階前倚扑于階西適階下北面請以樂于公公許司射反揖扑東面命樂正曰命用樂樂正曰諾司射遂適堂下北面視上射命曰不鼓不釋上射揖

司射退反位樂正命大師曰奏狸首間若一大師不  
興許諾樂正反位奏狸首以射三耦卒射賓待于物  
如初公樂作而后就物稍屬不以樂志其他如初儀  
卒射如初賓就席諸公卿大夫衆射者皆繼射釋獲  
如初卒射降反位釋獲者執餘獲進告左右卒射如  
初司馬升命取矢負侯許諾司馬降釋弓反位小臣  
委矢司馬師乘之皆如初司射釋弓視筭如初釋獲  
者以賢獲與鈞告如初復位司射命設豐實解如初  
命勝者執張弓不勝者執施弓升飲如初卒退豐  
如初司射猶袒決遂左執弓右執一个兼諸弦

面鏃適次命拾取矢如初司射反位三耦及諸公卿  
大夫衆射者皆袒決遂以拾取矢如初矢不挾兼諸  
弦面鏃退適次皆授有司弓矢樂反位卿大夫升就  
席司射適次釋弓說決拾去扑襲反位司馬正命退  
福解網小臣師退福巾車量人解左下網司馬師命  
獲者以旌與薦俎退司射命釋獲者退中與筭弄而俟  
公又舉奠解唯公所賜若賓若長以旅于西階上如  
初大夫卒受者以虛解降奠于篚反位司馬正升自  
西階東楹之東北面告于公請徹俎公許遂適西階  
上北面告于賓賓北面取俎以出諸公卿取俎如賓

禮遂出授從者于門外大夫降復位庶子正徹公俎  
降自阼階以東賓諸公卿皆入門東面北上司正升  
賓賓諸公卿大夫皆說履升就席公以賓及卿大夫  
皆坐乃安羞庶羞大夫祭薦司正升受命皆命公曰  
衆無不醉賓及諸公卿大夫皆興對曰諾敢不醉皆  
反位坐主人洗酌獻士于西階上士長升拜受禪主  
人拜洗士坐祭立飲不拜既爵其他不拜坐祭立飲  
乃薦司正與射人下解南北面東上司正爲上辯獻  
士既獻者立于東方西面北上乃薦士祝史小臣  
亦就其位而薦之主人就士旅食之尊而獻之旅

食不拜受爵坐祭立飲主人執虛爵以位者  
降洗升媵禪于公酌散下拜公降  
升再拜稽首公答再拜賓坐祭卒  
再拜賓降洗象觚升酌膳坐奠于薦  
辭賓升成拜公答拜賓反位公坐取賓所媵觚興唯  
公所賜受者如初受酬之禮降更爵洗升酌膳下再  
拜稽首小臣正辭升成拜公答拜乃就席坐行之有  
執爵者唯受于公者拜司正命執爵者爵辭卒受者  
者興以酬士大夫卒受者以爵興西階上酬士士升  
大夫奠爵拜士答拜大夫立卒爵不拜實之士拜受

大夫拜送士旅于西階上辯士旅酌若命曰復射則  
 不獻庶子司射命射唯欲卿大夫皆降再拜稽首公  
 答拜壹發中三侯皆獲主人洗升自西階獻庶子于  
 阼階上如獻士之禮辯獻降洗遂獻左右正與內小  
 臣皆於阼階上如獻庶子之禮無筭爵士也有執膳  
 爵者有執散爵者執膳爵者酌以進公公不拜受執  
 散爵者酌以之公命所賜所賜者與受爵降席下奠  
 爵再拜稽首公答再拜受賜爵者以爵就席坐公卒  
 爵然後飲執膳爵者受公爵酌反奠之受賜者與授  
 之散爵者執散爵者乃酌行之唯受於公者拜卒

與以酬士于西階上士升大夫不拜乃飲實爵士  
 三拜受爵大夫就席士旅酌亦如之公有命徹幕則  
 實乃諸公卿大夫皆降西階下北面東上再拜稽首  
 公命小臣正辭公答拜大夫皆辟升反位士終旅於  
 上如初無筭樂實則庶子執燭於阼階上司宮執燭  
 於西階上甸人執大燭於庭闈人為燭於門外賓醉  
 北面坐取其薦脯以降奏陔賓所執脯以賜謹人于  
 門內雷遂出卿大夫皆出公不送公入鷩

儀禮卷第七

儀禮卷第八

○聘禮第八

聘禮君與鄉圖事遂命使者使者再拜稽首辭君不許乃退既圖事戒上介亦如之宰命司馬戒衆介衆介皆逆命不辭宰書幣命宰夫官具及期夕幣使者朝服帥衆介夕管人布幕于寢門外官陳幣皮北首西上加其奉於左皮上馬則北面奠幣于其前使者北面衆介立于其左東上鄉大夫在幕東西面北上宰入告具于君君朝服出門左南鄉也讀書展幣宰執書告備具于君君授使者使者受書授上介公揖入

官載其幣舍于朝上介視載者所受書以行厥明賓  
朝服釋幣于禰有司筵几于室中祝先入主人從入  
主人在右再拜祝告又再拜釋幣制玄纁束奠于几  
下出主人立于戶東祝立于牖西又入取幣降卷幣  
實于笄埋于西階東又釋幣于行遂受命上介釋幣  
亦如之上介及衆介俟于使者之門外使者載禮帥  
以受命于朝君朝服南鄉卿大夫西面北上君使卿  
進使者使者入及衆介隨入北面東上君揖使者進  
之上介立于其左接聞命賈人西面坐啓櫝取圭垂  
下起而授宰宰執圭屈纁自公左授使者使者受

司馬執纁以受命既述命同面授上介上介受圭  
纁出授賈人衆介不從受享束帛加璧受夫人之  
纁璋享于玄纁束帛加琮皆如初遂行舍于郊斂禮若  
治邦不于竟使次介假道束帛將命于朝曰請師奠  
幣下大夫取以入告出許遂受幣餼之以其禮上賓大  
宰積唯錫禾介皆有餼士帥設其竟誓于其竟賓南  
面上介西面衆介北面東上史讀書司馬執策立于  
其後未入竟一拜為壇壇畫階帷其北無宮朝服無  
主無奠也介皆與北面西上習享士執庭實習夫人  
之聘享亦如之習公事不習私事乃竟張禮誓乃謁

關人關人問從者幾人，以介對君使，上請事遂以入。竟入，竟敝壇，乃展布幕，賓朝服立于幕東西，面介皆北面，東上，賈人北面坐，拭圭，遂執展之上，介北面視之，退復位，退圭，陳皮北首，西上，又拭壁，展之，會諸其幣，加于左皮上，上介視之，退馬，則幕南北面，奠幣于其前，展夫人之聘，享亦如之，賈人告于上，介上介告于賓，有司展羣幣以告，及郊，又展如初，及館，展幣於賈人之館，如初，賓至于近郊，張旌，君使下大夫請行，及君使，卿朝服用，東帛，勞上介出，請入告，賓禮辭，迎于會門之外，再拜，勞首下，心手，賓揖，先入，會門。

初，勞者奉幣入，東面致命，賓北面聽命，還少退，再拜，稽首，受幣，勞者出，授老幣，出迎，勞者，勞者禮辭，賓揖先入，勞者從之，乘皮，設賓用，束錦，償勞者，勞者再拜，稽首，受賓，再拜，稽首，送幣，勞者揖，皮出，乃退，賓送再拜，夫人使下大夫勞，以二竹，簋，方玄，被，纁，裏，有蓋，其實，棗，栗，擇兼，執之以進，賓受，棗六，栗二，手授，栗，賓之受，如初，禮，償之，如初，下大夫勞者，遂以賓入，至于朝，主人曰：不腆先君之祧，既拚以俟矣，賓曰：俟，問大夫帥至于館，卿致館，賓迎，再拜，卿致命，賓再拜，稽首，卿退，賓送再拜，宰夫朝服，設，液，飪，一牢，在西，鼎九，豆。

鼎三腥一牢在東鼎七堂上之饌八西夾六門外米  
禾皆二十車薪芻倍禾上介飪一牢在西鼎七堂鼎  
三堂上之饌六門外米禾皆十車薪芻倍禾衆介皆  
少牢厥明訝賓于館賓皮弁聘至于朝賓入于次乃  
陳幣卿爲上擯大夫爲承擯士爲紹擯擯者出請事  
公皮弁迎賓于大門內大夫納賓賓入門左公再拜  
賓辟不答拜公揖入每門每曲揖及廟門公揖入立  
于中庭賓立接西塾几筵既設始擯者出請命賈人東  
門至啓櫝取圭垂纜不起而授上介上介不襲執圭  
歸以實實襲執圭擯者入告山山辭上納賓賓入門

分自入門左北面西上三揖至于階三讓公升二  
賓升西楹西東面擯者退中庭賓致命公左還北  
賓擯者進公當楹再拜賓三退盈序公側襲受圭于  
堂與東楹之間擯者退自東塾四序賓降介逆出賓  
出公側授宰主禘降立擯者出請賓陽奉束帛加璧  
于擯者入告出許庭實皮則攝之毛在內內攝之入  
設也賓入門左揖讓如初升致命張皮公再拜受幣  
士受皮者自後右客賓出當之坐攝之公側授宰幣  
皮如入右首而東聘于夫人用璋享用琮如初禮若  
有言則以束帛如享禮擯者出請事賓言事畢賓奉



東歸以請觀墮者入告出辭請禮賓賓禮辭聽命墮者入告宰夫徹几改筵公出迎賓以入揖讓如初公升側受几于亭端宰夫內拂几三奉兩端以進公東南鄉外拂几三平振袂中攝之進西鄉墮者告賓進訝受几于筵前東面俟公壹拜送賓以几辟北面設几不降階上答再拜稽首宰夫實觶以醴加柶于觶面枋公側受醴賓不降壹拜進筵前受醴復位公拜送醴宰夫薦邊豆脯醢賓升筵墮者退負東塾賓祭脯醢以柶祭醴三庭實設降筵北面以柶兼諸觶尚墮坐啐醴公用束帛建柶北面奠于薦東墮者進相

幣賓降辭幣公降一等辭栗階升聽命降拜公辭升再拜稽首受幣當東楹北面退東面俟公壹拜賓降也公再拜賓執左馬以出上介受賓幣從者訝受馬賓覲奉束錦總乘馬二人贊入門右北面奠幣再拜稽首墮者辭賓出墮者坐取幣出有司二人牽馬以從出門西面于東塾南墮者請受賓禮辭命牽馬右之入設賓奉幣入門左介皆入門左西上公揖讓如初升公北面再拜賓三退反還負序振幣進授當東楹北面士受馬者自前還牽者後適其右受牽馬者自前西乃出賓降階東拜送君辭拜也君降一等辭

擯者曰寡君從子雖將拜起也栗階升公西鄉賓階  
上再拜稽首公少退賓降出公側授宰幣焉出公降  
立擯者出請上介奉束錦士介四人皆奉玉錦束請  
視擯者入告出許上介奉幣儷皮二人贊皆入門右  
東上奠幣皆再拜稽首擯者辭介逆出擯者執上幣  
士執衆幣有司二人舉皮從其幣出請受委皮南面  
幣者西面北上擯者請受介禮辭聽命皆進訝受  
其幣上介奉幣皮先入門左奠皮公再拜介振幣自  
西進北而後幣退復位再拜稽首送幣介出宰自  
左之幣有司二人坐舉皮以東擯者又納士介士

介入門右奠幣再拜稽首擯者辭介逆出擯者執上  
幣以出禮請受賓固辭公答再拜擯者出立于門中  
以相拜士介皆辟士二人東上坐取幣立擯者進宰  
夫受幣于中庭以東執幣者序從之擯者出請賓告  
事再擯者入告公出送賓及大門內公問君賓對公  
再拜公問大夫賓對公勞賓賓再拜稽首公答拜公  
勞介介皆再拜稽首公答拜賓出公再拜送賓不顧  
賓請有事於大夫公禮辭許賓即館卿大夫勞賓賓  
不見大夫奠鴈再拜上介受勞上介亦如之君使卿  
享弁歸饗餼五牢上介請事賓朝服禮辭有司入陳

饗飪一牢鼎九設于西階前陪鼎當內廉東面北上  
上當碑南陳牛羊豕魚腊腸胃同鼎膚鮮魚鮮腊設  
高鼎腳臄臄蓋陪牛羊豕腥二牢鼎二七無鮮魚鮮  
腊設于阼階前西面南陳如飪鼎二列堂上八豆設  
于戶西西陳皆一以並東上韭菹其南醢醢屈八簋  
繼之黍其南糗錯六鉶繼之牛以西羊豕豕南牛以  
東羊豕兩簋繼之梁在北八壺設于西序北上二以  
並南陳西夾六豆設于西墉下北上韭菹其東醢醢  
出六豆繼之黍其東糗錯四鉶繼之牛以南羊豕東  
豕豕以北牛兩簋繼之梁在西皆一以並南陳六壺

西二一以並東陳饌于東方亦如之西北上壺東上  
西二醢醢自饗夾碑十以為列醢仕東饌二牢陳于  
西北面東上牛以西羊豕豕西牛羊豕米百管管  
之解設于中庭十以為列北上黍梁稻皆二行糗四  
行門外米三十車車東有五簋設于門東為三列東  
階末三十車車二秬設于門西西陳薪芻倍不賓皮  
今迎大夫于外門外再拜大夫不答拜揖入及廟門  
賓揖入大夫奉束帛入三揖皆行至于階讓大夫先  
升一等賓從于堂北面聽命大夫東面致命賓降階  
西再拜稽首拜饌亦如之大夫解升成拜受幣堂中

西北面大夫降出賓降授老幣以迎大夫大夫禮辭  
許揖讓如初賓升一等大夫從登庭實設馬乘賓  
堅堂受老束錦大夫止賓奉幣西面大夫東面賓致  
幣大夫對北面當楯再拜稽首受幣于楹間南面退  
東曰侯賓再拜稽首送幣大夫送幣執左馬以出賓送  
二外明入再拜明曰賓拜于朝正衣冠與餽皆再拜稽  
首上介饗以三牢饗一牢在西曰兼七羞鼎三脛一牢  
東鼎七羞上之饌六西夾亦亦之宮及饗如上賓  
一牢門以米木視死牢牛牛牛牛牛牛牛牛牛牛牛牛  
陳如上賓下大夫韋弁用東面而致之上介韋弁以

受如賓禮饋之兩馬束錦士介四人皆餼大夫米百  
石設于門外宰夫朝服牽牛以致致之士介朝服北面  
再拜稽首受無擯賓朝服問卿也卿受于祖廟下大夫  
擯擯者出請事大夫朝服迎于門外再拜賓不答  
拜揖大夫先入每門每曲揖及至朝門大夫揖入擯者  
請命庭實設四皮奉束帛入三坦皆行至于階讓賓  
升一等大夫從升堂北面聽命命賓東面致命大夫降  
階西再拜稽首賓辭升成拜受幣幣堂中西北面賓降  
出大夫降受老幣無擯擯者出註明事實面如覲幣賓  
奉幣庭實從入門右大夫辭賓以也左庭實設揖讓如

初大夫升一等賓從之大夫西面賓稱面大夫對北  
面當楹再拜受幣于楹間南面退也西面立賓當楹再  
拜送幣降出大夫降授老幣擯者出請事上介特面  
幣如覲介奉幣皮二人贊入門去奠幣再拜大夫辭  
擯者反幣庭實設介奉幣入大夫揖讓如初介升大  
夫再拜受介降拜大夫降辭介升再拜送幣擯者出  
請眾介面如覲幣入門右奠幣也再拜大夫辭介逆  
幣擯者執上幣出禮請受賓辭大夫答再拜擯者執  
幣立于門中以相拜士介皆辟也老受擯者幣于中  
士三人坐取君幣以從之擯者出請事賓出大夫

退于外門外再拜賓不願禮者退大夫拜辱下大夫  
皆使至者幣及之上介朝也三介問下大夫下大夫  
如卿受幣之禮其面如賓面于卿之禮大夫若不見  
君使大夫冬以其爵為之受如主人受幣禮不拜夕  
夫人使下大夫韋弁歸禮堂上邊豆六設于之東西  
上二以並東陳壺設于東序北上二以並南陳饗黍清  
皆兩壺大夫以束帛致之賓如受饗之禮饋之乘馬  
束錦上介四豆四邊四壺受之如賓禮饋之兩馬束  
錦明日賓拜禮於朝大夫餼賓大牢米八筐賓迎再  
拜老牽牛以致之賓再拜稽首受老退賓再拜送上

介亦如之衆介皆少牢米六筐皆士牽羊以致之公  
於賓壹食再饗燕與羞俶獻無常數賓介皆明日拜  
于朝上介壹食一饗若不親食使大夫各以其爵朝  
服致之以侑幣如致饗無償致饗以酬幣亦如之大  
夫於賓一饗一食上介若食若饗若不親饗則公作  
大夫致之以酬幣致食以侑幣若使卿及弁還玉于  
館賓皮弁襲迎于外門以不拜帥大夫以入大夫弁  
自西階鉤楹賓自碑內聽命弁自西階自左南面受  
主退負右方而立大夫降中庭賓降自碑內東面授  
上介于阼階東上介出請賓迎大夫還璋如初入賓

揚迎大夫賄用束紉禮玉束帛乘皮皆如還玉禮大  
夫出賓送不拜公館賓賓辭上介聽命聘享夫人之  
聘享問大夫送賓公皆再拜公還賓從請命于朝公  
許賓還賓三拜乘會於朝許禮之遂行舍于郊公使  
卿贈如覲幣受于舍門若如受聘禮無償使下大夫  
贈上介亦如之使士贈衆介如其覲幣大夫覲贈如  
其面幣無償贈上介亦如之使人贈衆介如其面幣  
士送至于竟使者歸及郊請反命朝服載擔禮乃入  
乃入陳幣于朝西上上賓之八公幣私幣皆陳上介公  
幣陳他介皆否束帛各加其庭實皮左公南鄉鄉進

使者使者執圭垂纁北面主人執璋屈纁立于其左  
反命曰以君命聘于某君某君受幣于某宮某君再  
拜以享某君某君再拜事自公左受玉受上介璋致  
命亦如之執脯幣以告曰某君使某子賄授宰禮玉  
亦如之執禮幣以盡言賜禮公曰然而不善乎授上  
介幣再拜稽首公答再拜私幣不告君勞之再拜稽  
首君答再拜若有獻則曰某君之賜也君其以賜乎  
上介徒以公賜告如上賓之禮君勞之再拜稽首君  
曰拜勞士介亦如之君使某賜使者稽使者再拜稽  
首君答再拜稽首乃退介皆送至于使者之門

乃退揖使者拜其辱禮幣于門乃至于禰筵几于室  
薦脯醢觴酒陳席于上薦脯醢三獻一人舉爵獻從  
者行酬乃出上介至亦如之聘禮喪入竟則哭也  
郊勞不筵凡不禮者主人舉爵禮賓禮之受不  
賄不禮玉不贈禮夫人世子之喪君不受使大夫受  
于廟其他如遭君喪遣喪將命于大夫主人長衣纁  
冠以受聘君若薨于後入竟則遂赴者未至則更于  
若衰于館受禮不受饗食赴者至則衰而出唯饋受  
之歸執主復命于殯升自西階不升堂子即位不哭  
辯復命如聘子臣皆哭與介入北鄉哭出袒搯髮入

門右即位踊若有私喪則哭于館衰而居不饗食歸  
使衆介先衰而從之賓入竟而死遂也主人爲之具  
而殯介攝其命君弔介爲士人主人歸禮幣必以用  
介受賓禮無辭也不饗食歸介復命柩止于門外介  
卒復命出奉柩送之君平卒殯若大夫介卒亦加之  
士介死爲之棺斂之君不平焉若賓死未將命則既  
斂于棺造于朝介將命若介死歸復命唯上介造于  
朝若介死雖士介賓既復命往卒殯人歸小聘曰  
問不專者數不及夫主人主人不筵几不禮而不升不  
郊勞其禮如爲介三介記以無事則聘焉若有故

聘聘束帛加書將命百名以上書於策不及百名書  
於方主人使人與客讀諸門外客將歸使大夫以其  
束帛反命于館明日君館之既受行出遂見宰問幾  
月之資使者既受行日朝同位出祖釋軼祭酒脯乃  
飲酒于其側所以朝天予主與練皆九寸刻一寸半  
厚一寸博三寸練三采六等朱白倉間諸侯朱綠練  
八寸皆玄纁纁長尺約組問大夫之轡帛侯于郊爲肆  
又齋皮馬辭無常孫而說辭多則史少則不達辭苟  
足以達義之至也辭曰非禮也敢對曰非禮也敢辭  
卿館於大夫大夫館於士士館於工商管人爲客三



日具沐五日具浴殮不致賓不拜沐浴而食之卿大夫誚大夫士誚士皆有誚賓即館誚將公命又見之以其摯憲既將公事復見之以其摯凡四摯者唯其所實以聘可也宗人授次次以帷少退于君之次上介執圭如重授賓賓入門皇升堂讓將授志趨授如爭承下如送君還而后退下階發氣怡焉再三舉足又趨及門止焉執圭入門鞠躬焉如恐失之及享發氣焉及饗衆介北面踰焉私覲愉愉焉出如舒鴈皇且行入門主敬升堂主慎凡庭實隨入左先皮馬相尚可也賓之幣唯馬出其餘皆東多貨則傷于德幣

及則沒其禮賄在聘于賄凡執玉無藉者襲禮不拜至醴尊于東箱瓦大一有豐薦脯五臠祭半臠橫之祭醴再扱始扱一祭卒再祭主人之庭實則主人遂以出賓之士誚受之既覲賓若私獻奉獻將命擯者入告出禮辭賓東面坐奠獻再拜稽首擯者東面坐取獻舉以入告出禮請受賓固辭公答再拜擯者立于闕外以相拜賓辟擯者受宰夫于中庭若兄弟之國則問夫人若君不見使大夫受自下聽命自西階升受負右房而立賓降亦降不禮幣之所及皆勞不釋服賜饗唯羹飪筮一尸若昭若穆僕爲祝祝曰孝孫

其孝子其薦嘉禮于皇祖某甫皇考某子如饋食之  
禮假器於大夫盼肉及廋車聘曰致饗明日問大夫  
夕夫人歸禮既致饗旬而稍宰夫始歸乘禽日如其  
饗饋之數士中日則二雙月獻執一雙委其餘于面  
禽羞俶獻比歸大禮之日既受饗饋請觀訝帥之自  
下門入各以其爵朝服士無饗無饗者無擯大夫不  
敢辭君初爲之辭矣凡致禮皆用其饗食之加邊豆無  
饗者無饗禮凡饋大夫黍稷稷陸五斛既將公事賓  
請歸凡賓拜于朝訝聽之燕則上介爲賓賓爲苟敬  
宰夫獻無行則重賄反幣曰予以君命在寡君寡君

拜君命之辱君以社稷故在寡小君拜君脫寡君延  
及二二老拜又拜送賓於館堂而問糴四皮束帛賓  
不致主人不拜大夫來使無禮而饗之過則饋之其介  
爲介有大客後至則先客不啻食致之唯大聘有凡  
筵十斗曰劑十六斗曰嚴十數曰秉二百四十斗四  
秉曰旨十旨曰饗十饗曰秣四日秉爲一秣

儀禮卷第八

儀禮卷第九

公食大夫禮第九

公食大夫之禮使大夫戒召以其爵上介出請入告  
三辭賓出拜辱大夫不答拜將命賓再拜稽首大夫  
還賓不拜送遂從之賓朝服即位于大門外如燕即  
位具羹定甸人陳鼎七當門南面西上設高三鼎若  
東若編設洗如饗小臣具盤匭在東堂下宰夫設筵  
加席几無尊飲酒漿飲俟于東房凡宰夫之具饌于  
東房公如賓服迎賓于大門內大夫納賓賓入門左  
公再拜賓辟再拜稽首公揖入賓從及廟門公揖入

賓入三揖至于階三讓公升二等賓升大夫立于東  
夾南西面北上士立于門東北面西上小臣東堂下  
南面西上宰東夾北西面南上內官之士在室東北  
西面南上介門西北面西上公當楹北鄉至再拜賓  
降也公再拜賓西階東北面答拜擯者辭拜也公降  
一等辭曰寡君從子雖將拜興也賓栗階升不拜命  
之成拜皆上北面再拜稽首士舉鼎去幣以外次入  
陳鼎于碑南南面西上右人抽局坐奠于鼎西為順  
出自鼎西左人待載雍人以俎入陳于鼎南旅人南  
面加七于鼎退大夫長盥洗東南南西面北上序進俎

饋者與進者交于前卒盥序進南面匕載者西面魚  
腊魚載體進奏魚七縮俎寢右腸胃七同俎倫膚七  
腸胃皆皆橫諸俎垂之大夫既匕匕奠于鼎逆退復  
位公降盥賓降公辭卒盥公壹揖壹讓公升賓升宰  
夫自東房授醢醬公設之賓辭北面坐遷而東遷所  
公立于序內西鄉賓立于階西疑立宰夫自東房薦  
豆六設于醬東西上非菹以東醢醢昌本南麋藟以  
西菁苴鹿藿士設俎于豆南西上牛羊豕魚在牛南  
腊腸胃亞之膚以為特旅人取匕甸人舉鼎順出奠  
于其所宰夫設黍稷六簋于俎西二以並東北上黍

當牛俎其西糝錯以終南陳大羹湑不和實于鑿宰  
右執鑿左執蓋由門入升自阼階盡階不升堂授公  
以蓋降出入反位公設之于醬西序辨坐遷之宰六  
設罍四于豆西東上牛以西羊羊南豕豕以東牛飲  
酒實于觶加于豐宰夫右執觶左執豐進設于豆東  
宰夫東面坐啓簋會各卻于其西贊者負東序南面  
告具于公公再拜揖食賓降拜公辭賓升再拜禮首  
賓升席坐取苾俎以辨擣于醢上豆之間祭始者東  
面坐取黍實于左手辨又取稌辨反于右手興以授  
賓實祭之三牲之肺不離辨者辨取之壹以授賓賓

興受坐祭扱手扱一銅以柶辨擣之上銅之間祭祭  
酒於上豆之間魚腊 醢醢酒不祭宰夫授公飲梁公設之  
于潛西賓北面辭禮之公與賓皆復初位宰夫膳  
稍于梁西士著然差皆有太蓋執豆如宰先者反之  
由門入升自西階先者一人升設于稍南蓋西間客  
人旁四列西北上脚 以東臚臚牛多矣南醢以西牛  
載醢牛鮪鮪商羊炙以東羊載醢豕炙炙南醢以西  
豕載芥醬魚膾人膳 蓋者盡階不升堂授以蓋降  
出贊者負東序舌備于公贊升賓賓坐席未取菜即  
稍祭于醬西間贊者北面坐辨取庶羞之入興一以

授賓賓受兼壹祭之賓設席拜公辭賓升再拜稽首公  
答再拜賓北面自間坐右擁簾梁右執酒以降公辭  
賓西面坐奠于階西東面對西面坐取之東階亦北  
面又奠于其所降辭公公許賓升公揖退于相擯者  
退至東執而立賓坐遂卷以席公不辭賓三飯以酒  
饗之其饗解糲飲與其豐以進賓挽手與受宰六設  
其饗于箱西庭實設賓坐終遂飲奠于豐上公受宰  
大束帛以侑西鄉立賓降筵北面擯者進相幣賓降  
幣升聽命降拜公辭賓升再拜稽首受幣當東楹  
北面退西楹西東面立公壹拜賓降也公再拜介逆

出賓北面揖執庭實以出公降立上介受賓幣從者  
訝受皮賓入門左沒雷北面再拜稽首公辭揖讓如  
初升賓再拜稽首公又再拜賓降辭公如初賓升公  
揖退于箱賓卒食會飯三飲不以醬酒挽手與北面  
坐取梁與醬以降西面坐奠于階西東面再拜稽首  
公降再拜介逆出賓出公送于大門內再拜賓不顧  
有司卷三牲之俎歸于賓館魚腊不與明日賓朝服  
拜賜于朝拜食與侑幣皆再拜稽首訝聽之上大夫  
八豆八簋六釃九俎魚腊皆二俎魚腸胃倫膚若九  
若十有一下大夫則若七若九庶羞西東毋過四列

上大夫庶羞二十加於下大夫以雉兔鷄鴛若不親  
食使大夫各以其爵朝服以侑幣致之豆實實于饗  
陳于楹外二以竝北陳蓋實實于筐陳于楹內兩楹  
間二以竝南陳庶羞唯于碑內庭實陳于碑外牛羊  
豕陳于門內西方東上賓朝服以受如受饗禮無擯  
明日賓朝服以拜賜于朝訝聽命大夫相食親戒速  
迎賓于門外拜至皆如饗拜降盥受醬涪侑幣束錦  
也皆自阼階降堂受授者升一等賓止也賓執梁與  
清之西序端主人辭賓反之卷加席主人辭賓反之  
辭幣降一等主人受侑幣再拜稽首主人送幣亦

然辭於主人降一等主人從立食徹于西序端東面  
再拜降出其他皆如公食大夫之禮若不親食則公  
作大夫朝服以侑幣致之賓受于堂無擯記不宿戒  
戒不速不授几無侑幣于門外東方司宮具几與  
蒲筵常繡布純加萑席華玄帛純皆卷自末宰夫筵  
出自東房賓之東車在大門外西方北面立鉶芻牛  
藿羊苦豕薇皆有滑管者盥從俎升簋有蓋帛几炙  
無醬上大夫蒲筵加萑席其純皆如下大夫純御擯  
由下上贊下大夫也上大夫庶羞酒飲漿飲庶羞可  
也拜食與侑幣皆再拜稽首

儀禮卷第九

儀禮卷第十  
覲禮第十

覲禮至子郊王使人皮弁用璧勞侯氏亦皮弁迎于  
帷門之外再拜使者不荅拜遂執王三揖至于階使  
者不讓先升侯氏升聽命降再拜稽首遂升受玉使  
者左還而立侯氏還壁使者受侯氏降再拜稽首使  
者乃出侯氏乃止使者使者乃入侯氏與之讓升侯  
氏先升授几侯氏拜送几使者設几荅拜侯氏用束  
帛乘馬饋使者使者再拜受侯氏再拜送幣使者降  
以左驂出侯氏送于門外再拜侯氏遂從之天子賜



舍曰伯父女順命于主所賜伯父舍侯氏再拜稽首  
儻之東帛乘馬天子使大夫戒曰某日伯父帥乃初  
事侯氏再拜稽首諸侯前朝皆受舍于朝同姓西面  
北上異姓東面北上侯氏禫冕釋幣于櫛乘墨車載  
龍旂弧韜乃朝以瑞玉有繅天子設斧依於戶牖之  
間左右几天子衮冕負斧依階夫承命告于天子夫  
子曰非他伯父實來予一人嘉之伯父其入予一人  
將受之侯氏入門右坐奠圭再拜稽首摺者謁侯氏  
坐取圭升致命王受之玉侯氏降階東北面再拜稽  
首摺者延之曰升升成拜乃出四享皆東帛加璧庭

實唯國所有奉束帛四馬卓上九馬隨之中庭西上  
奠幣再拜稽首摺者曰予一人將受之侯氏升致命  
王撫玉侯氏降自西階東面授宰幣西階前再拜稽  
首以馬出授人九馬隨之事畢乃右肉袒于廟門之  
東乃入門右北面立告聽事摺者謁諸天子天子辭  
於侯氏曰伯父無事歸寧乃邦侯氏再拜稽首出自  
屏南適門西遂入門左北面立王勞之再拜稽首摺  
者延之曰升升成拜降出天子賜侯氏以車服迎于  
外門外再拜路先設西上路下四亞之重賜無數在  
車南諸公奉篋服加命書于其上升自西階東面大

史是右侯氏升西面立大史述命侯氏降兩階之間  
北面再拜稽首升成拜大史加書于服上侯氏受使  
者出侯氏送再拜賓使者諸公賜服者束帛四馬賓  
大史亦如之同姓大國則曰伯父其異姓則曰伯舅  
同姓小邦則曰叔父其異姓小邦則曰叔舅饗禮乃  
歸諸侯覲于天子爲宮方三百步四門壇十有二尋  
深四尺加方明于其上方明者木也方四尺設六色  
東方青南方赤西方白北方黑上玄下黃設六玉上  
圭下璧南方璋西方琥北方璜東方圭上介皆奉其  
君之旂置于宮尚左公侯伯子男皆就其旂而立四  
傳擯天子乘龍載大旂象日月升龍降龍出拜日於  
東門之外反祀方明禮日於南門外禮月與四瀆於  
北門外禮山川丘陵於西門外祭天燔柴祭山丘陵  
升祭川沈祭地瘞記几俟于東箱備駕不入王門奠  
圭于纁上

圭于纁上

儀禮卷第十

儀禮卷第十一

喪服第十一

子夏傳

喪服斬衰裳直經杖絞帶冠繩纓管屨者傳曰斬者  
何不緝也直經者麻之有黃者也直經大搨左本在  
下去五分一以爲帶齊衰之經斬衰之帶也去五分  
一以爲帶大功之經齊衰之帶也去五分一以爲帶  
小功之經大功之帶也去五分一以爲帶總麻之經  
小功之帶也去五分一以爲帶直杖竹也削杖桐也  
杖各齊其心皆下本杪者何爵也無爵而杖者何擔  
主也非主而杖者何輔病也童子何以不杖不能病

也婦人何以不杖亦不能病也絞帶者繩帶也冠繩  
纓條屬右縫冠六升外畢鍛而勿及衰三升菅屨者  
菅菲也外納居倚廬寢苦枕塊哭晝夜無時歆粥朝  
一溢米夕一溢米寢不說經帶既虞窮屏柱捐寢有  
席食䟽食水飲朝一哭夕一哭而已既練舍外寢始  
菜菓飯素食哭無時父傳曰為父何以斬衰也父至  
尊也諸侯為天子傳曰天子至尊也君傳曰君至尊  
也父為長子傳曰何以三年也正體於上又乃將所  
傳重也庶子不得為長子三年不繼祖也為人後者  
傳曰何以三年也受重者必以尊服服之何如而可

為之後同宗則可為之後何如而可以為人後支子  
可也為所後者之祖父母妻妾之父母昆弟昆弟之  
子若子妻為夫傳曰夫至尊也妾為君傳曰君至尊  
也女子子在室為父布總箭筈髮衰三年傳曰總六  
升長六寸箭筈長尺吉筈尺二寸子嫁反在父之室  
為父三年公士大夫之衆臣為其君布帶繩屨傳曰  
公卿大夫室老士貴臣其餘皆衆臣也君謂有地者  
也衆臣杖不以即位近臣君服斯服矣繩屨者繩屨  
也䟽衰裳齊牡麻經冠布纓削杖布帶䟽屨三年者  
傳曰齊者何緝也牡麻者象麻也牡麻經右本在上

冠者沾功也。䟽履者鹿蒯之菲也。父卒則為母繼母。如母傳曰繼母何以如母繼母之配父與因母同故。孝子不敢殊也。慈母如母傳曰慈母者何也傳曰妾之無子者妾子之無母者父命妾曰女以為子命子曰女以為母若是則生養之終其身如母死則喪之三年如母貴父之命也。母為長子傳曰何以三年也父之所不降母亦不敢降也。䟽衰裳齊牡麻經冠布纓削杖布帶䟽履期者傳曰問者曰何冠也曰齊衰大功冠其受也。總麻小功冠其衰也。帶緣各視其冠。父任為母傳曰何以期也。屈也。至尊在不敢伸其私。

尊也。父必三年然後娶。達子之志也。妻傳曰為妻何以期也。妻至親也。出妻之子為母傳曰出妻之子為母期則為外祖父母無服傳曰絕族無施服親者屬出妻之子為父後者則為出母無服傳曰與尊者為一體不敢服其私親也。父卒繼母嫁從為之服報傳曰何以期也。貴祭也不杖麻履者祖父母傳曰何以期也。至尊也。世父母叔父母傳曰世父叔父何以期也。與尊者一體也。然則昆弟之子何以亦期也。旁尊也。不足以加尊焉。故報之也。父子一體也。夫妻一體也。昆弟一體也。故父子首足也。夫妻脾胃也。昆弟四

體也故昆弟之義無分然而有分者則辟子之私也  
子不私其父則不成爲子故有東宮有西宮有南宮  
有此宮異居而同時有餘則歸之宗不足則資之宗  
世母叔母何以亦期也以名服也大夫之適子爲妻  
傳曰何以期也父之所不降子亦不敢降也何以不  
杖也父在則爲妻不杖昆弟爲衆子昆弟之子傳曰  
何以期也報之也大夫之庶子爲適昆弟傳曰何以  
期也父之所不降子亦不敢降也適孫傳曰何以期  
也不敢降其適也有適子者無適孫孫婦亦如之爲  
人後者爲其父母報傳曰何以期也不貳斬也何以

不貳斬也特重於大宗者降其小宗也爲人後者孰  
後後大宗也曷爲後大宗大宗者尊之統也禽獸知母  
而不知父野人曰父母何算焉都邑之士則知尊禴矣  
大夫及學士則知尊祖矣諸侯及其大祖天子及其  
始祖之所自出尊者尊統上卑者尊統下大宗者尊  
之統也大宗者收族者也不可以絕故族人以支子  
後大宗也適子不得後大宗女子子適人者爲其父  
母昆弟之爲父後者傳曰爲父何以期也婦人不貳  
斬也婦人不貳斬者何也婦人有二從之義無專用  
之道故未嫁從父既嫁從夫夫死從子故父者子之

六十四卷 卷之六十四 禮記 卷之六十四

天也夫者妻之天也婦人不貳斬者猶曰不貳天也  
婦人不能貳尊也為昆弟之為父後者何以亦期也  
婦人雖在外必有歸宗曰小宗故服期也繼父同居  
者傳曰何以期也傳曰夫死妻稚子幼子無大功之  
親與之適人而所適者亦無大功之親所適者以其  
貨財為之築宮廟歲時使之祀焉妻不敢與焉若是  
則繼父之道也同居則服齊衰期異居則服齊衰三  
月必嘗同居然後為異居未嘗同居則不為異居為  
之君傳曰何以期也從服也姑姊妹女子子適人  
無主者姑姊妹報傳曰無主者謂其無祭主者也何

以期也為其無祭主故也為君之父母妻長子祖父  
母傳曰何以期也從服也父母長子君服斬妻則小  
君也父卒然後為祖後者服斬妻為女君傳曰何以期  
也妾之事女君與婦之事舅姑等婦為舅姑傳曰何  
以期也從服也夫之昆弟之子傳曰何以期也報之  
也公妾大夫之妾為其子傳曰何以期也妾不得體  
君為其子得遂也女子子為祖父母傳曰何以期也  
不敢降其祖也大夫之子為世父母叔父母子昆弟  
昆弟之子姑姊妹女子子無主者為大夫命婦者唯  
子不報傳曰大夫者其男子之為大夫者也命婦者

其婦人之爲大夫妻者無主者命婦之無祭主者  
也何以言唯子不報也女子子適人者爲其父母期  
故言不報也言其餘皆報也何以期也父之所不降  
子亦不敢降也大夫曷爲不降命婦也夫尊於朝妻  
貴於室矣大夫爲祖父母適孫爲士者傳曰何以期  
也大夫不敢降其祖與適也公妾以及士妾爲其父  
母傳曰何以期也妾不得體君得爲其父母遂也疏  
衰裳齊牡麻經無受者寄人爲所寓傳曰寄公者何  
也失地之君也何以爲所寓服齊衰三月也言與民  
同也丈夫婦人爲宗子宗子之母妻傳曰何以服齊

衰三月也尊祖也尊祖故敬宗敬宗者 尊祖之義也  
宗子之母在則不爲宗子之妻服也爲 舊君君之母  
妻傳曰爲舊君者孰謂也仕焉而已者也何以服齊  
衰三月也言與民同也君之母妻則小君也庶人爲  
國君大夫在外其妻長子爲舊國君傳曰何以服齊  
衰三月也妻言與民同也長子言未去也繼父不同  
居者曾祖父母傳曰何以齊衰三月也小功者兄弟  
之服也不敢以兄弟之服服至尊也大夫爲宗子傳  
曰何以服齊衰三月也大夫不敢降其宗也舊君傳  
曰大夫爲舊君何以服齊衰三月也大夫去君婦其



宗廟故服齊衰三月也言與民同也何大夫之謂乎  
言其以道去君而猶未絕也曾祖父母為士者如衆  
人傳曰何以齊衰三月也大夫不敢降其祖也女子  
子嫁者未嫁者為曾祖父母傳曰嫁者其嫁於大夫  
者也未嫁者其成人而未嫁者也何以服齊衰三月  
不敢降其祖也大功布衰裳牡麻經無受者子女子  
子之長殤中殤傳曰何以大功也未成人也何以無  
受也喪成人者其文緝喪未成人者其文不緝故殤  
之經不摻垂蓋未成人也年十九至十六為長殤十  
五至十二為中殤十一至八歲為下殤不滿八歲以

下皆為無服之殤無服之殤以日易月以日易月之  
殤殤而無服故子生三月則父名之死則哭之未名  
則不哭也叔父之長殤中殤姑姊妹之長殤中殤昆  
弟之長殤中殤夫之昆弟之子女子子之長殤中殤  
適孫之長殤中殤大夫之庶子為適昆弟之長殤中  
殤公為適子之長殤中殤大夫為適子之長殤中殤  
其長殤皆九月纓經其中殤皆七月不纓經大功布  
衰裳牡麻經纓布帶三月受以小功衰即葛九月者  
傳曰大功布九升小功布十一升姑姊妹女子子適  
人者傳曰何以大功也出也從父昆弟為人後者為

其昆弟傳曰何以大功也為人後者降其昆弟也庶  
孫適婦傳曰何以大功也不降其適也女子子適人  
者為衆昆弟姪丈夫婦人報傳曰姪者何也謂吾姑  
者吾謂之姪夫之祖父母世父母叔父母傳曰何以  
大功也從服也夫之昆弟何以無服也其夫屬乎父  
道者妻皆母道也其夫屬乎子道者妻皆婦道也謂  
弟之妻婦者是嫂亦可謂之母乎故名者人治之大  
者也可無慎乎大夫為世父母叔父母子昆弟昆弟  
之子為士者傳曰何以大功也尊不同也尊同則得  
服其親服公之庶昆弟大夫之庶子為母妻昆弟傳

曰何以大功也先君餘尊之所厭不得過大功也大  
夫之庶子則從乎大夫而降也父之所不降子亦不  
敢降也皆為其從父昆弟之為大夫者為夫之昆弟  
之婦人子適人者大夫之妾為君之庶子女子子嫁  
者未嫁者為世父母叔父母姑姊妹傳曰嫁者其嫁  
於大夫者也未嫁者成人而未嫁者也何以大功也  
妾為君之黨服得與女君同下言為世父母叔父母  
姑姊妹者謂妾自服其私親也大夫大夫之妻大夫之  
子公之昆弟為姑姊妹女子子嫁於大夫者君為姑  
姊妹女子子嫁於國君者傳曰何以大功也尊同也

尊同則得服其親服諸侯之子稱公子公子不得禰  
先君公子之子稱公孫公孫不得祖諸侯此自卑別  
於尊者也若公子之子孫有封爲國君者則世世祖  
是人也不祖公子此自尊別於卑者也是故始封之  
君不臣諸父昆弟封君之子不臣諸父而臣昆弟封  
君之孫盡臣諸父昆弟故君之所爲服子亦不敢不  
服也君之所不服子亦不敢服也總衰裳牡麻經既  
葬除之者傳曰總衰者何以小功之總也諸侯之大  
夫爲天子傳曰何以總衰也諸侯之大夫以時接見  
乎天子小功布衰裳澡麻帶經五月者叔父之下殤

適孫之下殤昆弟之下殤大夫庶子爲適昆弟之下  
殤爲姑姊妹女子子之下殤爲人後者爲其昆弟從  
父昆弟之長殤傳曰問者曰中殤何以不見也大功  
之殤中從上小功之殤中從下爲夫之叔父之長殤  
昆弟之子女子子夫之昆弟之子女子子之下殤爲  
姪庶孫丈夫婦人之長殤大夫公之昆弟大夫之子  
爲其昆弟庶子姑姊妹女子子之長殤大夫之妾爲  
庶子之長殤小功布衰裳牡麻經即葛五月者從祖  
祖父母從祖父母報從祖昆弟從父姊妹孫適人者  
爲人後者爲其姊妹適人者爲外祖父母傳曰何以

小功也以尊加也從母丈夫婦人報傳曰何以小功也  
也以名加也外親之服皆總也夫之姑姊妹娣婦  
報傳曰娣姒婦者弟長也何以小功也以爲相與居  
室中則生小功之親焉大夫大夫之子公之昆弟爲  
從父昆弟庶孫姑姊妹女子子適士者大夫之妾爲  
庶子適人者庶婦君母之父母從母傳曰何以小功  
也君母在則不敢不從服君母不在則不服君子子  
爲庶母慈已者傳曰君子子者貴人之子也爲庶母  
何以小功也以慈加已也總麻三月者傳曰總者十  
五升抽其半有事其縷無事其布曰總族曾祖父母

族祖父母族父母族曰昆弟庶孫之婦庶孫之中殤從  
祖姑姊妹適人者報從祖父從祖昆弟之長殤外孫從  
父曰弟姪之下殤夫之叔父之中殤下殤從母之長殤  
報庶子爲父後者爲其母傳曰何以總也傳曰與尊者  
爲一體不敢服其私親也然則何以服總也有死於  
宮中者則爲之三月不舉祭因是以服總也士爲庶  
母傳曰何以總也以名服也大夫以上爲庶母無服  
貴臣貴妾傳曰何以總也以其貴也乳母傳曰何以  
總也以名服也從祖昆弟之子曾孫父之姑從母昆  
弟傳曰何以總也以名服也甥傳曰甥者何也謂吾

舅者吾謂之甥何以總也報之也婿傳曰何以總報  
之也妻之父母傳曰何以總從服也姑之子傳曰何  
以總報之也舅傳曰何以總從服也舅之子傳曰何  
以總從服也夫之姑姊妹之長殤夫之諸祖父母報  
君母之昆弟傳曰何以總從服也從父昆弟之子之  
長殤昆弟之孫之長殤爲夫之從父昆弟之妻傳曰  
何以總也以爲相與同室則生總之親焉長殤中殤  
降一等下殤降二等齊衰之殤中從上大功之殤中  
從下記公子爲其母練冠麻衣縗緣爲其妻縗冠  
葛一帶麻衣縗緣皆旣葬除之傳曰何以不在五服

之中也君之所不服子亦不敢服也君之所爲服子  
亦不敢不服也大夫公之昆弟大夫之子於兄弟降  
一等爲人後者於兄弟降一等報於所爲後之兄弟  
之子若子兄弟皆在他邦加一等不及知父母與兄  
弟君加一等傳曰何如則可謂之兄弟傳曰小功以  
下爲兄弟朋友皆在他邦袒免歸則已朋友麻君之  
所爲兄弟服室老降一等夫之所爲兄弟服妻降一  
等庶子爲後者爲其外祖父母從母舅無服不爲後  
如邦人宗子孤爲殤大功衰小功衰皆三月親則月  
筭如邦人改葬總童子唯當室總傳曰不當室則無

總服也凡妾爲私兄弟如邦人大夫弔於命婦錫衰  
命婦弔於大夫亦錫衰傳曰錫者何也麻之有錫者  
也錫者十五升抽其半無事其縷有事其布曰錫女  
子子適人者爲其父母婦爲舅姑惡筭有首以懸卒  
哭子折筭首以筭布總傳曰筭有首者惡筭之有首  
也惡筭者櫛筭也折筭首者折吉筭之首也吉筭者  
象筭也何以言子折筭首而不言婦終之也妾爲女  
君君之長子惡筭有首布總凡衰外削幅裳內削幅  
幅三袍若齊裳內衰外負廣出於適寸適博四寸出  
於衰衰長六寸博四寸衣帶下尺衽二尺有五寸袂

屬幅衣二尺有二寸衽尺二寸衰三升三升有半其  
冠六升以其冠爲受受冠七升齊衰四升其冠七升  
以其冠爲受受冠八升總衰四升有半其冠八升大  
功八升若九升小功十升若十一升

西

秋  
月  
二

日

月

日

卷之四